

祥符縣志卷之二十一

麗藻志

詩

五言古詩

晉

詠懷

阮籍

徘徊蓬池上還顧望大梁綠水揚洪波曠野莽茫茫
走獸交橫馳飛鳥相逐翔是時鶉火中日月正相望
朔風厲嚴寒陰氣下微霜羈旅無疇匹俯仰懷哀傷
小人計其功君子道其常豈惜終憔悴詠言著斯章

祥符縣志

卷二十一

麗藻
五古詩

一

其二

駕言發魏都南望向吹臺簫管有遺音梁王安在哉
戰士食糟糠賢者處蒿萊歌舞曲未終秦兵已復來
夾林非我有朱宮生塵埃軍敗華陽下身竟為土灰
南朝宋

至梁城

顏延之

眇默軌路長憔悴征戍勤昔邁先祖師今來歸後軍
振策瞻東路傾側不及羣息徒顧將夕極望梁陳分
故國多喬木空城凝寒雲曷為久遊客憂念坐自殷
唐

吹臺

杜甫

昔我遊宋中惟梁孝王都名今陳留亞劇則貝魏俱
邑中九萬家高棟照通衢舟車半天下主客多歡娛
白刃讐不義黃金傾可無殺人紅塵裏報答在斯須
憶與高李輩論交入酒壚兩公壯藻思得我色敷腴
氣酣登吹臺懷古視平蕪芒碭雲一去雁鶩空相呼
先帝正好武寰海未凋枯猛將收西域長戟破林胡
百萬攻一城獻捷不云輸組練棄如泥尺土負百夫
拓境功未已元和辭大鑪亂離朋友盡合沓歲月徂
吾衰將焉託存歿在嗚呼蕭條益堪媿獨在天一隅
臨餐吐更食常恐違撫孤

祥符縣志

卷二十一

麗藻

五古詩

二

乘黃已去矣凡馬徒區區不復見顏鮑繫舟卧荆巫
臨餐吐更食常恐違撫孤

儲光羲

大梁途中
怏怏步長道客行渺無端郊原欲下雪天地稜稜寒
當時每酣醉不覺行路難今日無酒錢悽惶向誰歎

韓愈

暮行河堤上四顧不見人衰草際黃雲感歎愁我神
夜歸孤舟卧輾轉空及晨謀計竟何就嗟嗟世與身

唐堯客

大梁行
客有成都來爲我彈鳴琴前彈別鶴操後奏大梁吟

大梁傷客情荒臺對古城版築有陳跡歌吹無遺聲
雄哉魏公子疇日好羅英秀士三千人煌煌列眾星
金椎奪晉鄙白刃刎侯嬴邯鄲救趙北函谷走秦兵
君子榮且恥忠信莫之明間諜忽來及雄圖靡克成
千齡萬化盡但見秋水清舊國多孤壘夷門荆棘生
蒼梧彩雲沒汲汲浦綠池平聞有東山去蕭蕭班馬鳴
河洲舉宿莽日夕淚沾纓因之唁公子慨慷此歌行

宋

過開封古城

梅堯臣

荒城臨殘日雞犬三四家豈復古阡陌但問新桑麻

祥符縣志

卷二十一

麗藻
五古詩

三

頽垣下多穴所窟狐與蛇漢兵墮銅鏃青血爲土花

汴渠

前人

我實山野人不識經濟宜聞歌汴渠勞謾綴汴渠詩
汴水原本清隨分黃河支濁流方已盛清派不可推
天王居大梁龍舉雲必隨設無通舟航百貨當陸馳
人肩牛騾驢定然無完皮苟欲東西蘇要省聚歛爲
兵衛詎能削乃須雄京師今來雖太平盡罷未是時
顧循祖宗規勿益羣息之譬竭兩川賦豈由此水施
縱有三峽下率皆麓凡資慎莫尤汴渠非渠取膏脂

朱亥墓

蘇軾

昔日朱公子雄豪不可追
今來遊故國大塚稱屠兒
平日輕公相千金棄若遺
梁人不好事名字寄當時
魯史盜齊豹求名誰復知
慎無怨世俗猶不遭仲尼
牟駝岡閱馬

江復休

牧馬散近堦閱視乘高秋
駝岡似涉苑堆阜帶川洲
坡陀故梁城縈薄西南陬
連棚映林樾星羅倚層邱
回風吹陣雲奔騰歛來游
野性脫羈馬飲齧遂所求
腹幹頗肥張鬱怒何彪貅
羣毚驟麋鹿逸勢凌蛟虬
軍戎選輕健和鑾御調柔
毛物有千名眾美歸驂騶
梁王愁思臺佛刹居上頭
竭來一憑眺遺墟莽悠悠
置酒臨風軒聊以紓煩憂

艮嶽

孫覺

祥符縣志

卷二十一

麗藻
五古詩

四

信陵骨已朽巖穴誰見收
當時英雄輩事逐東波流
眞人昔未起奔鹿駭四方
連延天目山兩乳百里長
有城跨江海無地生侯王
中霄燎穹昊列石表壇場
朱旂大梁野英氣吞八荒
寥寥百年後故物亦已亡
所餘彼巖巖峰巔屹相望
主人承明老星斗工文章
築亭紫霄上坐客蒼株旁
攀雲弄明月曉星生扶桑
禹山隔波濤簡書永埋藏
願逢希夷使水土還故常

金

信陵館

陳升

寂寂魏王國悠悠汲水春
汲水流不返傷茲行路人
徑携一壺酒往酬公子墳
墳阡久已平其木幾爲薪
泉扉鎖長夜千載不復晨
昔爲賢俊游今爲陌上塵
青史終不滅義聲禱暴秦
此日不足惜所恐後無聞
元

早發黃河卽事

薩天錫

晨牽大河上曙色滿船頭
依依樹林出慘慘煙霧收
付墟雞鷄犬門巷出羊牛
炊煙動茅屋秋稻上隴邱
嘗新未及試官租急徵求
兩河水平堤夜有盜賊憂

祥符縣志

卷二十一

五古詩

五

長安里中兒生長不識愁
朝馳五花馬暮脫千金裘
鬪鷄五坊市酣歌最高樓
繡被夜中酒玉人坐更籌
豈知農家子力穡望有秋
短褐常不充糲食常不周
醜婦有子女鳴機事耕疇
上以充國賦下以祀松楸
去年築河防驅夫如驅囚
人家廢耕織嗷嗷齊東州
飢餓半欲死驅之長河流
河源天上來趨下性所由
古人有善備鄙夫無良謀
我歌兩岸曲庶達公與侯
淒風振枯槁短髮涼飈颼

明

大梁懷古

劉基

昔有信陵君乃在大梁城親爲貴介弟位冠諸侯卿
傾家待國士倒屣延豪英詣門謁朱亥虛左讓侯嬴
袖椎奪兵符救趙蜚英聲河外走蒙驁宗社賴扶傾
於今不可見寂寞傷人情

其二

在昔信陵君勞謙實宏度好士天下稀賓客遠傾慕
救趙奪兵符掃清邯鄲霧歸來全大梁秦家讐東顧
魏王木偶人朽心自成蠹讒言一以入危石不可據
日落西河陰歌鐘怨零露

良嶽

李夢陽

祥符縣志

卷二十一

麗藻
五古詩

六

城北三土邱岫嶂封堤口黃蘆莽瑟瑟疾風鳴衰柳
云是宋家嶽豪盛今頽朽我聞帝王富東京寶罕有
鑿池通嵌竇移山媚戶牖岌業樓觀合歛吸風雷走
巖陰翡翠吟海窟蛟鼉吼燕趙矜麗人搜剔充地后
君臣互沉湎斯道詎能久嗚呼花石費銖鎰盡官取
北風卷黃屋此地竟誰守迢迢五國城二龍回其首
向使任忠良邦國得滅否余來值寒暮悲歌坐林樾
狐狸竄古壘破瓦沒藜莠孤城峙我前蒼蒼日將西

渡河

何景明

夙征肇延津明晨臨大河洪源下積石砥柱屹巖巖

渺渺梁宋區汗漫縱經過自非陵與岸於安障其波
揚帆赴中流四顧莽無涯崇雲征廣澤迅風夕吹沙
積陰不可測魚龍偃相加前無千尺梁一葦胡足誇
人生寡恆居奚異波上槎豈無舟楫志漂泊當奈何
九日登城樓宋故都門

高叔嗣

佳節倚秋城朋曹晚相逐竊憐坎壈心慙寓登臨目
日落故鄉林霜寒遊子服百里覽山河千年看陵谷
生欣盛時康追嘆往運促猶能識宮觀但見登樵牧
縱酒在高樓悲歌對喬木身同司馬病懷異步兵哭
舉頭望長天萬里來鴻鵠嚙尋階除降獨自歸茅屋

祥符縣志

卷二十一

麗藻
五古詩

七

皇清

繁臺懷古

沈荃

梁王全盛日置酒登此臺層軒出霄漢壯構凌塵埃
當時侍從者一一皆鄒枚抽毫必金石酌醴盈樽罍
日暇有餘樂時清多俊才歡娛極百年盛事流九垓
我來過夷門望古增徘徊浮雲互千里宮殿成飛灰
平地走狐兔阿閣生莓苔霜雪日以零風雨日以頽
衰榮有如此恨恨詎能裁

信陵

閔麟嗣

侯生爲存趙毛薛爲存魏得成一信陵兩却強秦帥

折節交市徒奉身爲執轡人傲志愈恭序禮何足異
大梁雜詠八首 有序 胡介祉

大梁古都會地至今四方人士聞汴州名輒作
佳麗想游屐一到尋勝蹟訪故宮興不能自止
旣而問之士人無有也間一登吹臺上良嶽徘徊
徇荒煙蔓草間並無一木一石可寄憑弔之感
卽名已不復仍其舊蓋汴之沉於水者五十年
於此矣我

朝底定以後開闢招徠重爲行省雖幸河山似昔疆
域依然城郭人民稍稍欲復其舊而滄桑陵谷

祥符縣志 麗藻 卷二十一 五古詩 八

高下變遷昔之所謂樓臺今不獨夷爲平壤居
人掘地往往得鴛鴦虹梁而城東鐵塔之根剝
土直下丈餘始見故址然則梁之爲梁已不可
問而余又安所取而詠之雖然世之不與天壤
俱敝者名耳藉令梁不可問而並廢其佳麗之
名山川有知能無岑寂之歎乎余因就圖志所
載一一表章或名實之幸存或名存而可想見
其實不遑去取也觀者會此或不哂其固陋而
且以是作爲不可已也夫

繁臺春色 前 八

一臺高於城河水不能沒留得古時地依舊春花月
燕子漸歸來桃杏參差發遊人亦三五繁華殊未歇
寶馬競香車輕塵蔽林樾憑欄周四望不覺神超忽
當年盛歌舞今日殘宮闕楊柳換新條向人誇綠髮
多情獨芳草淺處經羅襪春色自年年高臺此嶽峯
轉憶少陵翁題詩在石碣斯文共高李聲名千載揭
沐水秋聲

興替非一姓春秋亦遞更無端沐河水多作可憐聲
高柳宛然碧斜陽時復明涼風一以起過客不勝情
昔聞引通渠東與淮泗并宋都最倚重翰輓資神京

祥符縣志

卷二十一

麗藻
五古詩

九

市貨江海集驛路帆檣爭夾岸蒹葭霜客舟猶夜行
但趁煙月好景色忘淒清乃知人心異頃刻炎涼生
誰識此頽波昔曾繞宮城寒流暮嗚咽將無鳴不平
隋堤煙柳

隋煬亦巧計國勢料分攜拚得江山盡風流占此堤
至今堤上柳直接雷塘西煙水杳一碧草色同萋萋
錦帆昔遊幸楊花高復低三千殿脚女舉棹歌聲齊
不唱采蓮曲樂府更新題絳仙但行樂令言空自悽
徒擾行人聽羣鳥朝暮啼我今倩長條脫曉招黃鸝
綠陰一千里下上逐馬蹄春風到揚州却笑迷樓迷

相國霜鐘

秋宵漏漸長微寒添被擁高下唱隣雞斷續鳴塔
佛火琉璃光老僧忽驚悚脫身離布衾有若繭出蛹
披衲上危梯鯨魚僵手捧殘年力本微氣懾滯卒恐
百八聲入雲巖城何洶洶移時羣動作凌競相接踵
趨風人民勞戴星官吏冗豪筵酒正渴點酥進乳潼
試出郭門看腰鍊遍霜隴我聞發三省案牘防堆壅
鐵塔行雲

燕京塔塔波相見成五色意取鎮坤維各古一方域
佛土亦與衰人代有剝蝕日月麗層霄今但存白黑

祥符縣志

卷二十一

麗藻
五古詩

十

游觀民俗異似喜鉛華飾問以黑塔名茫然都不識
汴路留廢寺建日宋初勅多寶十三層黯然舊陶埴
城傾黃流翻鐵色屹立特塔在寺復修豈非砥柱力
雲氣時往來上與星漢逼高頂望京師凌風思羽翼
金池夜雨

雄主規江南樓船習水師遠圖學漢武特鑿金明池
代易兵已銷留爲承平嬉供張盛百戲游宴經四時
有時萬乘來于官後頭隨舟楫泛容與臺殿陟參差
雍雍天子樂濟濟羣公詩風日良自佳夜雨亦頗宜
葉響聲漸密花香氣暗滋澹澹池覺新漲淪漣會微颺

此唯寂寞濱乃許幽人知何必感秋興眼中望旌旗
梁園雪霽

修竹最宜雪梁園物色佳方雨愜獨賞始晴遊可偕
賢王會此意召客宴高齋鄒枚盡詞臣燕趙多宮娃
清光動綵筆艷色明玉釵就中惟相如妍秘冠朋儕
愛看遠山眉翻訝螺痕埋得無吟白頭宛轉牽人懷
賦成四座歎傳觴命優俳迴風逐舞態寒氣消宮鞅
行樂當及時人生亦有涯名園竟誰主六出飄空階
州橋明月

我吟王建詩汴橋宛如昔向晚鬧茶商通宵行酒客

祥符縣志

卷二十一

麗藻
五古詩

十一

大梁全盛時九州來市舶兩岸夾歌樓一闌圍舞席
華燈影交加明月光相射縹緲忽聞簫縱橫時亂鳥
霓裳色繽紛水調聲嘔啞橋邊多少地一金買一尺
今日占勝場明日看陳迹撮土作黃金不堪此中擲
豪華雖可懲生聚亦可惜誰謂月無情猶漾橋痕碧

隨堤

前人

隨家失國來歲月千年久一堤若平生傳在詩人口
興衰理何常此地亦多有豈意大業君因之成不朽
風雅相激揚所得良亦厚揚州無瓊花汴州有楊柳
陳橋驛

前人

宋祖陳橋兵人謀亦天意處勢既得宜因時遂成事
必謂出偶然其言近兒戲締構托同懷左右手何異
順風在一呼亦不煩計議所以若無心鎮靜只安睡
堪笑貪天功自甘蒙不義今日袍加身後日斧卓地
倘果如所言彼豈真夢寐知子莫若存吾兒有大志
隋堤 吳洪

周穆荒遠遊隋煬復更過馬力猶堪惜其如人命何
鑿河兼築堤役比長城多一時人事變千載地形訛
泗流已堙塞況復問汴河唯見揚子潮朝夕兩揚波
大梁書院 魏憲

祥符縣志

卷二十一

麗藻
五古詩

三

聖學憫中衰世儒聚沙雨歸歸此中州醞風鄰鄒魯
朱程緒未續誦聲空萬戶佳哉佟中丞新造讀書宇
文宣祀中堂諸賢列兩廡經史積其間來學備束脯
敦禮張封印晨夕爲之主文章遵法程德業高雋伍
細探心性微嚴翼聖賢譜我來伏火侵靜坐觀往古
慙勤陳仁義感激學稼圃精蘊在無言遠者自領取
薄俗尙輕佻昧欲無睹特頌堂構功千秋隆豆俎
遊梁書院 梅啟元

大梁轍迹多巖巖獨孟子闢利起沉疴人心賴不死
假令老鄒嶧不爲抽秘旨滔滔戰國時狂瀾孰砥止

千載後登堂於焉思杖履

宋故宮

河南貢院即宋故宮舊地

施閏章

試院深且廣締構一何雄披圖視往蹟在宋斯故宮
金元遞寢處勝國侈藩封踵沿數百載偉麗無終窮
玉階非舊物碧蘚餘崇墉弱主耽近玩趙氏何夢夢
干戈已接軫花石爭天工珍禽與異獸百族羅其中
宸章銘雙檜長嶽上植雙檜徽宗御題有撐擎天半分連卷虹南負之句亭榭交
玲瓏繁華一朝盡萬事隨長風到今詢長嶽曠然無
遺蹤千峯作平地浩劫歸洪濛自古更銷歇永嘯看
蒿蓬

祥符縣志

卷二十一

麗藻

五古詩

三

九日重登吹臺

施閏章

登臺復何有千春興未忘佳辰得再至懷古獨相望
師曠奮逸響鼓吹來梁王當時枚馬輩受簡競篇章
杜甫及高李接跡氣飛揚何李雖晚出後先稍頡頏
臺上有何大復李獻吉碑往者不我待四顧草茫茫汴城百萬戶
京雒何輝煌苑圃成綺錯宮觀分低昂河伯摧名都
半爲沙礫場含情采野菊正對金樽黃憑欄一把酒
長風吹衣裳猶憶嵩邱上狂歌一慨慷

臨發大梁留贈兩河新舉諸子

施閏章

大國如滄海厥生徑寸珠中州風雨交天地此中樞

詰賢盛都會文章固其餘懿此戎饑後辛苦懷璠璣
慚非九方臯相馬仍拘墟贈子好自愛勿爲温飽圖
鄉舉古所重行誼爲先驅漢法徵孝廉名實貴相符
淵雲擅妙筆董賈陳嘉謨且慕上卷官策足凌天衢
必有數偉人始不差賢書沐浴伊與潘令德緬修塗
努力騁高步名與千春俱甯表天人姿誰言聲利儒
初春偕友人遊大梁上方寺遂出郭登吹臺

蘇加玉

昨日苦風沙今朝豁澄霽夙約聊可踐晴郊喜並轡
河水渙流澌堤柳坼芳意稍違闐闐喧宛造華嚴界

祥符縣志

卷二十一

麗藻
五古詩

十四

陶慰欵禪關清香滌茗器翹首企浮圖積鐵插雲際
神禦河伯逃力制馮夷避至今枝撐危尙駭波濤潰
蒼茫望宋跡歷劫獨未墜

上方寺有鐵塔經河患古跡皆湮鐵塔獨存又

聞古吹臺郊外緬遺吹枚馬今飄零高李昔酣醉芒
錫雲久荒滄桑遞興廢一慟呼梁王日落黃河外情
予罷登臨歸騎衝煙靄吊古意未休清秋冀來再

吹臺懷古

劉青藜

高臺何峻嶒維汴東南峙磴道逾百盤俯仰窮千里
黃河落天來濤聲隨風起煙嵐侵衣袂嵩少近接趾
當年晉師曠曾此奏清徵祥雲與元鶴翩然下雲裏

嗣後登臨人茫茫誰與紀至今傳者誰高李杜子美
憑欄同感慨懷抱知何似側聞慈壽塔篇章何纍纍
醜酒問騷人奚獨闕於此寒風吹落日搔首嘆不止
歸來過夷門還弔魏公子

奉酬大梁書院山長蘇園公

管世銘

余生雖較晚猶及事前輩文章歸實用志節重奇槩
入幕從文翁謂開封太守康茂園賓席欣相對河流旋失馭迫

使治渠埭郵籤二百里不面逾一載豈無嚶鳴儔降
意期黻佩泰友非漆師毛羽同腹背堂堂蘇先生宿
望今斗岱曾與蓬瀛遊亦逐蘭荃隊刺州聊一出清

祥符縣志

卷二十一

麗藻
五古詩

十五

白無纒類高然淡宦情歸秉經畬耒馬帳開大梁諸
生奉槃敦過蒙折簡招風澤時沾漑盈斟九日酒解
醉茶新焙登樓望吹臺遙向六賢酌上客有龐眉童

古容逾睟

陶司馬魯直

名甥亦蔚歧

王上舍詠周

高論失襌襪

是席最歡然興到發深嘅貪夫營宦達競利同博塞
堆盤赫金玉列屋妍粉黛倉皇廷尉徵狼籍坐賦穉
田廬錄有司骨肉流絕塞亦或見廉能憂職心如瘴
方安部民意已失上官睟求過等吹毛微文掛彈劾
邸舍甑尙塵妻子色猶菜何如硯北田舊業耕可再
收其束脩入歲額當邑采臯比八尺餘坐隱老其內

琢磨 盛世才出爲 王家父報 國豈一端未畢
以人代公聞顧而累置若不屑誨越夕賦瑤華和鳴
卑眾喙全平激楚音夏絕依阿態誦詩如其人大雅
見風裁前型幸甚適心解非茫昧讀書貴成名不仕
尤可愛胡爲北發車羔鴈重飾績區區毛義檄留戀
因母在他日急流中敢忘師勇退

上河帥粟樸園先生

蔣湘南

黃河本神物天運挾之變治河得神人寰海奏清晏
吾師北嶽精申甫例天眷甘霜膏去聲中州河渠胸貫
串

祥符縣志

卷二十一

麗藻 五古詩

六

天子重宣防宵旰切昏墊公受特達知濁流淨如練昔
者黎襄勤南河石工擅攻者如雲起交章幾同訕其
實用成法初非開生面竹隄下石蓄漢書有明傳東

河遠山麓所恃薪土賤近來土一方

積土高一尺方一丈爲一方

幾需錢萬選

叶

遠土費不貲近土皆沙澱埽成良維

立漲來坎窞陷公乃役神智運甃創獨見濟彼石之
窮用比土尤便逢灣能取直掣溜如掣電刻期三年
後度支省千萬

埽工三年一易公于易埽時皆以南磚代之嘗謂三年後磚工可遍

也寸光目裏古嘗流盼一千六百年河徙如合券

自

導河後至今凡四小變二大變其大變自帝堯八十
年至周定王五年爲一千六百餘年自周定王五年

至宋熙寧十年為尾閭既難數雲梯關中滿復明驗

一千五百餘年嘉慶中河權宜一時策橫潰千載患誤在不兩行子

身已於高由語殊疴河不兩行之說始自蘇子由其次誤轉漕束吭豈能燕

四瀆濟久枯奪淮此更漫反常人事乖違性天地幻

我聞夏先王醴渠首從派出灘達淮泗清濟挾一線

禹貢濟溢為滎爾雅水自河出為灘說文曰派水受

陳留浚儀陰溝至蒙為灘水入于泗據水經注即黃

蕩渠也大伾再分支潔川勢平衍源出東武陽洩河作

陂淀史記禹醴二渠其一東北行為潔川漢書地理

志水經注皆云潔出東武陽是先有潔水禹導

河至此因而灑之以北幹分九股迎河會其殿禹貢

澤水刷河之淤也漢書作鬲津即有鬲河鬲兩回漩鬲本水名有鬲氏

迎河居之因水以名其

解符縣志 卷二十一 麗藻 五古詩 七

國也禹導河至此因鬲水而又盤水出沂山山經益

分一河節以鬲水刷河之淤也盤水出沂山山經益

所讓山海經沂山盤水出焉禹導河至此因盤水而

鬲津云水狹隘可隔以為津注鈞徒駭非徒眾瘳沲

盤云水曲如鉤流盤桓皆臆說徒駭河是濶池即徒

一聲轉駭語倒並聲之轉也禹導河至此因濶池而

又分一河即以濶池水刷河淤禹貢其餘可類推水

正義引李廵以徙起眾之說非是其派分幹斯弱水

名誰點竄以鬲津鈞盤徒駭推之則派分幹斯弱水

多泥不濺眾清刷一濁疏開功易辦水分多則力微

各因一河而分之是借水攻沙之術自統計十一河

禹起也蘇氏河不兩行之說真謬語矣統計十一河

禹貢孟子皆言九河合九河在畿甸齊桓塞其八經

派潔計之共十一河也九河在畿甸齊桓塞其八經

流亦改佃後人不師禹培隄調金鍊束之使南行勢

將奪高堰豈真古難復當由經未穿四五播誠益兩

派分亦善漢韓牧云于禹所穿處播為四五宜有益

漢不同不能播為四五也湘南按地形頗可播而為二其一開原陽漳衛隄更

繕屯氏分虜沱滌淤駛竹箭北岸險工以原陽五堡

勢欲由此北去矣因而導之入衛河以合漳河分二

支北一支入直隸之虜沱東一支入山東之大清河

乃漢屯氏河故道也分全河之一半其一正東行勿

而以眾勇猛之水刷其沙當不致淤

俾與淮戰一淮不能受全河之水故大關中河關中

閘乃康熙中靳文襄公所建其下流即石濩湖也黃

河至此本正東去前代以濟運之故東之使南入淮

石濩濬深塹河由石濩湖入海比雲腹藉湖沂衝東

行合運河借殺山湖南旺湖南流之水以刷尾用沐

其沙東南至駱馬湖口借沂水以刷其沙

祥符縣志 卷二十一 麗藻 六

漣漣水在石濩湖中即漢書之游水有中漣東漣

漣漣之名沐水亦歸石濩湖台之可刷河之下

流 依然水攻水歸海各無間既非築垣居亦不棄州

縣倉設漕轉輕河不合淮則宜設轉般淮平鏡光綸

淮不受河病恬波舞馮蠓乾土宅鴻雁庶減

則淮亦安流 聖心憂共頌禹功莫冰輪鑒腐裏行看龍馬見

晉 豫州歌

祖 逖

按是詩於河道源流瞭如指掌大有裨於經濟非泛作酬應者比閱者宜三致意焉

幸哉遺黎免俘虜三晨既朗遇慈父亮酒忘勞甘瓠
脯何以詠思歌且舞

唐

夷門

高適

七國雄雌猶未分攻城掠地何紛紛秦兵益圍邯鄲
急魏王不救平原君公子爲羸停駟馬執轡逾恭意
逾下亥爲屠肆鼓刀人羸乃夷門抱關者非但慷慨
獻奇謀意氣兼將身命酬向風刎頸送公子七十老
翁何所求

梁臺

梁王臺沼空中立天河之水夜飛入臺前闕玉作蛟
龍鉛粉掃天愁露濕撞鐘飲酒行射天金虎蹙裘噴

祥符縣志

卷二十一

麗藻
七古詩

九

血鮮朝朝暮暮愁海翻長繩繫日樂當年芙蓉凝紅
得秋色蘭臉別春啼脈脈蘆洲客鴈報春來寥落野
篁秋漫白

題河邊枯柳

王冷然

隋家天子憶揚州厭坐深宮傍海遊穿地鑿山開御
路鳴笳疊鼓汎春流流從鞏北分河口直到淮南種
官柳功成力盡人旋亡運謝年移樹空有當時綵女
侍君王帳殿旌門對柳行青葉交垂連幔色白花飛
散染衣香今日摧殘何用道數里曾無一株好驛騎
江帆損更多山精野魅藏應老涼秋九月露爲霜日

夜孤舟入帝鄉河畔時時聞落葉客中無個不沾裳
汴州亂

韓愈

汴州城門朝不開天狗墮地聲如雷健兒爭誇殺留
後連屋累棟燒成灰諸侯咫尺不能救孤士何者自
興哀

其二

母從子走者爲誰大夫人留後兒昨者乘車騎大
馬坐者起趨乘者下廟堂不肯用干戈嗚呼奈汝母
子何

隋隄柳

白居易

祥符縣志

卷二十一

麗藻
七古詩

三

隋隄柳歲久年深盡衰朽風飄飄兮雨蕭蕭三株兩
株汴河口老枝病葉愁殺人曾經大業年中春大業
年中燭天子種柳成行夾流水西至黃河東至淮滌
影一千三百里大業末年春暮月柳色如煙絮如雪
南幸江都恣佚遊應將此柳繫龍舟紫髯郎將蓋錦
纜青蛾御史直迷樓海內財力此時竭舟中歌笑何
日休上荒下困勢不久宗社之危如綴旒煬天子自
言福祚長無窮豈知皇子封鄴公龍舟未過彭城閣
義旗已入長安宮蕭牆禍生人事變晏駕不得歸秦
中土墳數尺何處葬吳公臺下多悲風二百年來汴

河路沙草和煙朝復暮後王何以鑒前王請看隋隄
亡國樹

宋

會飲金明池書事

司馬光

日華駘蕩金明春波光淨綠生魚鱗烟深草青遊人
少道路苦無車馬塵石渠諸君職事簡載酒擷花畏
花晚浮舟逐勝任所之箕踞狂歌叩舷板眼花耳熱
氣愈豪擲杯擊案聲嗷嗷驚沙颯颯繞洲渚魚龍遷
去避我曹人生大料無百歲貴賤賢愚同一致在家
穀菽餘幾何一日風光不宜棄

祥符縣志

卷二十一

麗藻
七古詩

三

汴隄行

孔平仲

長隄杳杳如絲直隱以金椎密無迹當年何人種綠
榆千里分陰送行客波間交語船上下馬頭一別人
南北日輪西入烏不飛從古舟車無斷絕

金

河防行

劉 迎

南州一雨六十日所至川源皆泛溢黃河適及秋水
時夜來決破陳河隄河神憑陵雨師借晚未及晴昏
復下傳聞一百五十村蕩盡田園及廬舍我聞禹時
播河爲九河一河旣滿還之他川平地迴勢遂定安

流是以無驚波祇今茫茫餘故迹未易區區議疎闕
三山橋壞勢益南所過泥沙如出積大梁今世爲陪
京財富百萬資甲兵高談泥古不須爾且要築隄三
百里鄭爲頭汴爲尾準備他時漲河水

元

弔故宮

杜瑛

月上觚稜椒壁濕飢鳥啄碎琅玕石劫灰飛盡海揚
塵廢殿荒臺土花碧洛陽書生汴梁客一夜春風頭
欲白尊中賴有酒如泉醉倚寒窓破愁寂

信陵公子行

王暉

祥符縣志

卷二十一

麗藻
七古詩

三

春風獵獵吹輕裘聯鑣來作夷門遊令人遠憶魏公
子徑上吹臺最上頭却秦存趙震九土誰意抱關老
吏能此帷幄之良籌飢腸自古出奇策功成何害屠
沾流高皇布衣重公賢大梁城邊幾遲留一朝龍驤
開漢業舉功不復詢來由豈非慕蘭承餘休嘗讀太
史公今日把酒酌墓周當時朱門滿歌舞此日野草
荒山邱醉歌信陵行碧雲日暮寫我憂英雄割據雖
已矣高義凜凜橫清秋追攀逸駕那復得落日倚劍

看神州

陪諸公登梁王吹臺

曹伯啟

天宇廓然秋已暮幽人欲作登高賦聯鑣沽酒上繁
臺千古興亡一回顧百鳥喧啾塔半摧荆榛掩映臺
前路黃花采采未成歡目斷荒城起煙霧

明

夷門歌

劉基

秦兵譟震長平瓦趙人肝腦塗原野邯鄲一夕陷圍
中魏甲不敢屯城下當時獨有信陵君門外劍舄多
如雲不有夷門抱關者誰知屠肆鼓刀人卧內虎符
初入手壯士胸中血一斗北救邯鄲西却秦五霸之
功今復有平生志氣何雄豪功成勿頸如拔毛秋風

祥符縣志

卷二十一

麗藻
七古詩

三

弔古夷門道惆悵荒城空綠蒿

大梁行

高啟

大梁四面如平砥西去咸陽一千里魏王此地昔爲
都宮闕中天碧雲起車聲鞦韆夜未休帶甲十萬名
蒼頭撞鐘列鼎宴上客奉金走幣連諸侯信陵真是
賢公子富貴不驕天下士已訪侯嬴到里門復迎朱
亥經屠市傾身折節世莫同緩急竟賴斯人功邯鄲
秦軍一椎破七國震動聞英風古城重過爲搔首幾
度秋風落楊柳沼上應無鴻雁來苑中只有狐狸走
立馬塵沙日欲昏悲歌感慨向夷門豪華多少同銷

歇獨有高名今尙存

題宋高宗金宗牌

李東陽

金字牌從天來將軍慟哭班師迴士氣鬱怒聲如雷
聲如雷震三陲幽薊已復無江淮讐國和壯士死天
下事安有此

題汴城八景總圖

于謙

天風吹我來中州光陰荏苒春復秋民安物阜公事
簡目前景物隨冥搜梁園花月四時好日落夷山映
芳草大河滔滔湧地來騰波起浪如奔雷隋堤烟柳
翠如織鐵塔摩空數千尺陰晴晦明各異態對此令
人感今昔畫圖彷彿得真趣醉墨琳瑯寫長句詩成
掉筆向蒼空滿袖天風却歸去

祥符縣志

卷二十一

麗藻
七古詩

十四

梁園歌

李夢陽

朝發金臺門夕度博浪關黃河如絲天上來于里不
見淮山淮南桂樹弄婆娑掛帆欲進阻洪波我今
亦作梁園歌梁園昔有信陵君名與岱華爭嵯峨三
十珠履不動色屠門執轡來相過功成不顯涕滂沱
青蠅自壁一何多我為梁園客不登梁王臺錦帆揚
州門一去何時迴荒烟白草古城沒登臺望之令心
哀令心哀歌且謠人生三十無少年積金累玉空前煎

熬獨立天地間長嘯視今古城隅落落一堆土千年
誰繼白與甫攬淚浮雲灑烟臯西風吹處卷波濤沉
吟投箸不暇食蹴天濁浪何滔滔君不見昔人然諾
一相許黃金斗印如秋毫

觀燈行

前人

宋家累葉全盛帝寬大實皆稱令主百姓牛馬徧阡
陌大倉米粟憂紉腐宣和以來遂多事嗚呼爛費如
沙土海石江花湧國門離宮別殿誰能數正月十四
十五間有勅大駕觀鰲山萬金爲一燈萬燈爲一山
用盡工匠力不破君王顏此時上御宣德門樂動簾

祥符縣志

卷二十一

麗藻
七古詩

五

開見至尊奔星忽經流御榻明月初上堆金盆傾城
呼噪聲動地可憐今夜鰲山戲窈冥幻巧百恠聚金
蛾翠管堪垂淚借問幸臣誰云是李師師外蔡京與
蔡攸夾樓錦幄羅公侯丞相之幄當前頭奚兒腰帶
控紫騮如花少女擎綵毬但聞樓上呼樓下黃帕籠
盤賜玉羞月高鳴鞭至尊起幄中環珮如流水爭道
齊驅輦路窄寺橋窈窕塵埃白火樹龍燈又一時千
光萬焰天爲赤常言宴安隳不基一興一替遂如斯
君看二帝蒙塵日數月東京荒蕪藜

大梁行

何景明

朝登古城口夕藉古城草日落獨見長河流塵起遙
觀大梁道大梁自古號名區富貴繁華代不殊高樓
歌舞三千戶夾道烟花十二衢合沓輪騶交紫陌鳴
鐘暮入王侯宅紅妝不讓掌中人珠履皆爲門下客
片言立賜萬黃金一笑還酌雙白璧帶甲連營殺氣
寒君王推轂將登壇彎弧自信成功易拔劍那知報
怨難已見分符連楚越更聞飛檄救邯鄲一朝運去
同衰賤意氣雄豪成驚電楊花飛入侯嬴館草色淒
迷魏王殿萬騎千乘空雲屯綺構朱甍不復存夜雨
人歸朱亥里秋風客散信陵門川原百代重回首宋
起薄暮飛花滿故堤

梁苑歌

王廷相

黃河東來沙填海陳留十山幾山在梁王古苑九地
深歲歲龍蛇窟穴改我田在苑苑在東灌園鑿井當
其中應門雨黃鶴抱琴雙玉童行歌曳杖如游龍前
身恐是河上公君不見七十二帝如旋蓬惟有堯舜
流高風人生百年電閃閃何必希時鈎譽攀援日月
獨爲功子雲草元恆不調虞卿著書仍固窮我懷欲

祥符縣志

卷二十一

麗藻

七古詩

三

附沙洲鴻

和春日梁園卽事

李攀龍

梁園高會花開起直至落花猶未已
春花着酒酒自美丈人但飲醉卽休
纔到花前無白頭紅顏相逐若
爲留春風何處不花開何處花開
不看來看花何處好空同

梁王臺

李濂

梁王臺下春草生梁王臺上春霞明
兔園積雪有詞賦鳧渚廢榭無歌笙
百花雙燕且對飲碧海黃塵空復情
落日爲誰吟思苦漢家城闕暮雲平

祥名縣志

卷二十一

麗藻
七古詩

七

皇清

汴中曲

薛所蘊

省括昨日下州府提取丁夫城汴土
汴城土厚十丈餘云有昔人藏金所
一日挖掘纔一尺乾糧用盡無氣力
畧倚鐵斂定喘息長官鞭扑風雨急
長跪長官莫楚毒掘得金銀將身贖
熬來萬苦與千辛不見朱提見石骨

大梁宮人行

王紫綬

茅店朔風籬戶破土榻夜寒捫足坐
苦耳淒音無倦時始猶絮絮後轉大
自從垂髫入王宮天下藩封數

汴中五方食貨舟車便四海衣裳冠蓋通宮中日夜
聞簫鼓記得憲王春樂府暗携玉尺比珊瑚閒向金
籠教鸚鵡鰲山城市結丹邱步輦隨登宣德樓三千
朱履高門監十二雕欄夾道稠桃笙葵扇泥金虎藏
水七十二王所水晶簾映玻璃盃玳瑁簪翻蛺蝶譜
明月離離海嶠來翡翠凌空飛閣開良嶽清鐘飄鐵
塔隋堤錦纜隱繁臺最是梁園雪未滿雜遝喧闐貂
氣煖錦繡徧圍圍上樹璣瑜初動帳中管教坊入直
西殿頭私言闐闐見風流白鼻騮隨銀鑿落青油幕
覆玉搔頭五門迴斜五十里家家日在歌聲裡雕鏤

祥符縣志

卷二十一

麗藻
七古詩

六

媚耀侯嬴關屈戌輝煌朱亥市晨昏四季賣花天蹴
踰戎戲首鞞韃帝子闔鷄輪寶玦妖童走馬矢金鞭
大家園亭倣宋作水陸年年花石過十番絲竹五馬
眠九陌腥羶七貴唾寒食中元十月朝士女踏壞金
梁橋連帷羅袂肩相並條脫香巾步自搖辛巳闖寇
歛薄汴血濺西城六日戰竊符虛擬魏家軍飛鏃哄
傳雷將面明年捲土壓東城雉堞烽高百里營雲梯
萬架星辰亂鐵礮千家風雨鳴前番射中闕賊眼暮
府上功雙綬縮此番一月用大攻崩頽睥睨餘三版
三版一月不可侵二百年來見人心周藩朱提紅標

記一級償以五十金賊營今年四野蔽秣馬取禾作
家計日日巾幗罵將軍城上饒吹門自閉麥青卽來
待麥黃城上堤上坐相望此時河南無明土左鎮擁
兵踞武昌富家積金不積穀倉倉糶盡厰空屋死者
已果生者腹生者豈有完骨肉官府下令曰搜糧抽
刀控箭入人房搜之烏有日蠲助珠玉還載粟橐囊
五月開門放人出六月塞門防人逸將軍密計撫軍
領肥瘠皆堪充軍實銀滿一杯米一杯豪家潛向老
兵謀老兵米有肉更有私下屠人公賣牛兵將三日
索一賜窮徹周王夜不寐粟紅已罄神宗年鈔黑猶

祥符縣志

卷二十一

麗藻
七古詩

无

題洪武字百官數月城上栖鼠雀羣空馬妾啼太守
骨立麴爲糜方伯耄年栢作壘或啜棉子或啖紙四
府自飽三府死將軍連日宰駱駝愁瘦梨園諸弟子
中官朝暮啟王時說盡民間瑣褻詞朽車蓋伴羊裘
煮溷水蟲爲魚子炊八月晝夜連陰雨城下水從城
上取九月忽傳黃河遷天明十七歲壬午黑雲未散
黃雲生一夜千鐘萬鐘聲纜道蛟龍鬪北部旋教樓
市收東京匆匆從駕壽山上漉處洪濤深七丈王家
僅餘數尺城女墻缺溢如破盎馮夷怒叫天吳趨鐘
樓鼓樓爭須臾只恐壽山淪水底相約結帶理珠襦

文武將士呼舟渡舟子操舟左右顧百官在後王在前
前法度不行行賄賂舟開搖指古寺宰相國鴟吻百
人號水面忽驚炮火響賊筏漸欲近城壕撫軍聞之
額頻感將軍第呼渡河速新河已過過舊河舊河之
水沒車輻王駕倉皇次延津燃燈小院點加一低頭
武溪中官嘆幾回錯喚舊宮人左右紛言鄴下好昨
日王驚離酸棗一騎雙乘騎又稀妾身獨走沙門道
夜來和衣宿荒村夢裡猶入厚載門乍醒不知同伴
盡失聲倩視臂間痕聞道鄴城纔三舍妾身到應是
明夜未到預憐望西陵銅雀惟見漳河下非關老大
店嚮霜華噫爾宮人莫惆悵余亦滿身黃河浪說盡
汴梁遺事多河北天寒雞早唱

博浪沙歌

趙賓

黃河浪怒蛟龍號博浪沙吹捲怒濤秦皇旌旗蔽天
來飛鳥盡藏虎豹逃仲連布衣恥帝秦留侯五世尊
相臣弟死不葬遊東海散金物色報秦人揮霍白日
走雷霆山崩谷陷晝冥冥祖龍魂魄久喪失鯁魚不
待沙邱亭大索朝野盡動搖從容受書下邳橋千載
我來問遺蹟谷陵變遷人代送詞堂豕臥榛莽塞門

掩空庭午寂寥雨雪霏微侵薄暮朔風獵獵鳴野椒
從軍行送王玉門之大梁

宋 琬

有客有容髯而紫左挾秦弓右吳矢自言家本關中
豪黃金散盡來江沚年來倦上仲宣樓裹糧且訪侯
嬴里腰間七首徐夫人河畔荒邱魏公子懸知弔古
有深愁慷慨登車不可止自從鑿決黃河奔大梁未
有千家村烽火但增新戰壘塵沙無復古夷門短衣
聊向將軍幕長劍終酬國士恩落日驅車臨廣武春
風試馬出轅轅丈夫佩印乃恆事安能鬱鬱老邱樊
王郎顧我深歎息一見歡喜如舊識此行不但爲封

祥符縣志

卷二十一

麗藻
七古詩

三

侯人生貴在抒胸臆江上楊花白雪飛梁園芳草青
袍色盾鼻猶堪試彩毫鶯聲聊爲停珠勒醉後狂歌
氣若雲軍中教戰容如墨春風拂地車斑斑起看明
月攬刀環平臺賓客久零落至今汴水空潺湲憐予
偃蹇風塵際年來罄折凋朱顏已知苦被雕蟲誤強
弩欲挽不可關待爾他年分虎竹相從射獵終南山
大梁行送林平子

王廣心

燕山四月槐雨涼酒徒擊筑官道旁驪駒欲鳴慘將
發爲君慷慨歌大梁大梁昔當全盛日裂土苴茅建
宗室魏殿旌旗北斗翻汴宮花石城東密定王憲王

皆好才樊樓窈窕東堂開誠齋舊帖龍文寫樂府新
題鳳管催黃河如帶縈天闕舞榭歌鐘幾時歇兔苑
賓朋白雪樽鷓絃士女金梁月中原千里接神京叔
父勤王更勒銘鷄犬願隨淮桂老魚龍忽厭蔡河平
一朝風雨金隄決殺氣蒼茫鼓聲絕龍章十葉赤帝
孫郤並銅人水中沒滄桑變易八九年我來欲渡愁
無船宮闕崩頽半深澤狐狸跟跳空荒烟偶逢遺老
驅豚出端禮門中招共入銀樓藻井荇帶穿玉殿螭
頭土花澀因言此殿西北隅飛廉九仞凌清虛濁河
波浪埋不得依稀繡栱臨椒除我登蘭雪軒更倚端

祥符縣志

卷二十一

麗藻
七古詩

三

清閣空梁天矯隨盤龍古柏陰森少調鶴下尋石洞
風倏然黃塵不到秋光先雲英旣死梵燈滅誰從此
地求神仙嗚呼此景當年識近日傳來更蕭瑟華棟
都輪少府錢碧蕙盡入空王宅河山君到莫重論良
嶽吹臺總不存但得晴天看少室短衣落日過夷門

汴梁行

章靜宜

汴州城內風鶴驚汴州城外連軍營一夜金隄雷電
起千年五殿波濤聲大梁自古繁華地三市風光最
明麗西連伊闕作屏藩北控成臯如帶礪高帝當年
闕草萊分封萬騎自天來蘭窓仍起飛雲殿出殿遺

通造字臺子孫奕祀承青社議親常得君王赦傳來
樂府勝河間製就新聲誇鄴下東風十里覆長隄萬
樹千条各向西珠履盡知公子客寶釵時見舍人妻
金梁明月空中度玉津芳草迷歸路園內雙雙蛺蝶
飛橋邊隊隊驂騑駐雙雙隊隊更何如紫陌朱城拂
逝波自言百歲來歌舞自謂三時競綺羅綺羅歌舞
無窮極炎天烽火嗟何及北地誰知青犢鳴東門忽
見黃虬入飄零雉堞少人行牙旗大纛自縱橫波翻
夏后前朝廟潮打梁王舊日城故侯冷落悲徒步新
鬼荒涼泣烟霧鶴雀高棲敖氏倉鴛鴦虛抱相思樹

祥符縣志

卷二十一

麗藻
七古詩

三

至今榛棘尙成行落日寒沙古戰場無忌已知新去
魏柑如不復遠遊梁遊人對此空嗟悼胡笳蘆管聲
中老牧馬常過屠肆旁射鴈每向彝山道淒涼今古
不須哀極目秋風萬里開試向東都更長眺銅駝金
谷半荒垓

隋隄曲

杜詔

隋隄一帶官河口不種桑麻種楊柳錦帆帝子數巡
遊厭住東京樂奔走將兵西城再征遠呼韓稽顙諸
蕃朝江都宮監伺顏色翡翠玻璃恣雕飾水晶殿揭
珠簾開香風吹送飛仙來凭肩笑語能幾回夢遊恍

惚吳公臺吳公臺下雷塘路野土茫茫亂煙樹傷心
爲弔玉鈎斜柳色黃昏不知處

夷門

施閏章

駕言尋夷山夷山不可見徒倚城東門城郭亦屢變
侯生七十隱抱關虛左誰迎上客還擊秦救趙亦徒
爾英聲高義驚人閒狗屠烈士何紛紛魏寢隋隄空
夕曛惟有英雄心不死荒祠長吊信陵君

仇十洲摹宋人張擇端清明上河圖歌 并序

張篤慶

宋人張擇端清明上河圖乃汴京勝概大約當在

祥符縣志

卷二十一

麗藻
七古詩

三

宣和以前繁盛之時故其宮室城郭樓觀浮圖街
衢巷陌市廛亭館舟楫橋梁士女車馬商賈負販
俠遊百戲萬貨諸物莫不畢備而富麗浩穰雅有
太平氣象爲物者以億計爲人者以萬計螺紋蚶
結工細可知非數年之力諒不能成信奇觀也當
時與西湖爭標圖俱選入神品元時曾入內府故
誌有御寶今茲摹本亦頗入妙茶陵李文正公有
記記之後又流傳於宜興李文定家文定手書文
正公原記亦自媚秀而予今於焦司徒家見之蓋
其世傳之故物也

畫山不畫海上山山在杳靄飛雲間畫水不畫滄江
水水在波濤煙雲裏不如畫作汴京圖汴京富麗天
下無宣和以前號全盛繁華自昔雄三都百年太平
饒物力嘻嘻朝市多懽娛清河畫師妙天下十年構
此良非迂展卷忽然迷五色幽窗老眼仍模糊臨觀
乃知畫工巧長房縮地誠不誣九爐之爐何穰穰冠
蓋懸落當交衢邸第樓臺紛在目列肆百貨羣所趨
袿服霞裳出珠箔珍怪瑰飛來番馬如紅豆人如
蟻摩肩擊轂爭馳驅端門百戲無乃是朱樓舞榭紅
鞞瑜蒲桃美酒醉俠少亦有犢鼻來當壚王侯貴人

祥符縣志

卷二十一

隱藻
七古詩

三五

盛遊樂翠幃寶馬青驪駒時和正值清明節汴隄官
柳何縈紆青簾白舫載簫鼓黃牛柴駝充行廚長橋
一道白虹起葉葉帆檣連軸艦永和三日修禊事蘭
亭遺韻方未徂五雲深處九重上遙望阿閣黃金鋪
龍樓鳳輦駐佳氣似是天街頌大酺眼前百怪競出
沒一一變相神理殊承平士女堪圖繪傳之千古勞
踟躕我聞此畫入神品爭標不獨傳西湖大元御府
作重寶雙龍小印存區區飄零兵火更出世仇英臨
本非小巫摩挲自是亂真手不愧玉軸裝珊瑚西滬
相公好奇者萬言作記窮根株宜興妙筆更飛酒中

山什襲千斛珠憶昔開元東巡日潞州亦有金橋圖
道子陳闕韋無忝寫生萬態勢可呼天子親乘照夜
白百僚濟濟被襜褕羽林鹵簿三十萬道旁觀者人
相扶當時三絕今復見慎勿棄擲同泥塗名畫由來
辨宗派儼然族姓稱崔盧藏之篋笥待知己羣兒莫
使爭擲掄

汴梁懷古

袁枚

汴梁城頭啼杜宇黃昏似向行人語行人駐馬聽斷
腸知是當年趙宋主趙家八葉賢子孫神霄玉殿擁
紅雲裁詩譜畫稱絕妙只少一事能爲君元祐諸臣

祥符縣志

卷二十一

麗藻
七古詩

三

竄且老黨人碑監銅駝道賜袞爭看媼相尊排闥只
覺髯鬪好自從花石采東南樹上黃封月二三綠竹
數竿千艇挽黃楊三本百夫擔萬歲山禽呼接駕九
華仙子從天下良嶽煙巒半起雲樊樓鐙火全忘夜
幽燕胡馬忽長號頃刻阿房土欲焦三遷不決東周
議六甲空憑道士妖望斷平安火不歸金銀括盡戰
兵稀慟哭六宮辭九廟龍袍催殺換青衣黃沙漠漠
乘輿去萬姓哀號留不住一色宮花牛背馱回頭望
斷河南樹通德門空噪暮鴉琴臺月樹鼠爲家晉唐
書畫商周物小劫全爲塞北沙行人過此莫沾裳且

作風箴戒百玉君不見南關敗瓦霜華白猶刻宣和
字一行

大梁弔信陵君

前人

魏王沈醉美人起羅袖無聲符取矣
仇已報國仇未妾請以符授公子翩翩公子玉手擎深宮箭漏傳
三更侯生迎來指而笑彼執椎者須同行晉鄙嘆惜未張口撲殺此
獠如屠狗壁上高懸救趙旗精兵八萬邯鄲走坐中忽失白頭人淋瀝
血作送行酒更有布衣魯仲連竭來大笑平原君一聲帝秦便蹈海海
水欲立奔秦軍秦軍退避五十里咸陽虎狼心欲死

祥符縣志

卷二十一

麗藻
七古詩

三

美人壯士兼清流一齊來與秦爲仇秦宮縱有鈞天
樂不如且歌秦女休魏王醉眼真朦朧至死不愛將
軍功醕酒婦人卽東海甘心一蹈真英雄吁嗟乎君
不見高皇赤龍只解罵騎馬墳前悚然下又不見張
耳滅秦封王聲赫赫原是郎君門下客

汴京送春曲

畢 沅 秋帆

少年送春五湖濱飛花滿天愁殺人中年送春長安
道只怕茗英消歇早汴京故宋繁華地我來駐節歲
經四田閒社公賽不靈枝頭少女工爲祟渴土漫風
秋麥枯祈年屢拭憂時淚遺鏗萬瓦暗樊樓撒盡明

珠說勝遊上河已歷恆沙劫底處名花看擔頭金明
橋沒汴河涸望春無復探春樂春來不見一花開春
去不見一花落病起憎寒怕捲簾三月何曾窺近郭
春意人情兩惘然豔冶風懷付寂寞酬酢飛光梧酒
中鶯囀燕語惜恩恩春若有情應戀我明年香國訂
重逢

大梁大水行

彭而述

黃河水沒梁王宮戶口十萬化沙蟲饑口魚龍飽欲
死天風捲屍大海東百丈浮圖餘三尺金宮銀闕入
鮫室良嶽平臺復何有白波勢與嵩山敵餘艤大艦

祥符縣志

卷二十一

麗藻
七古詩

三六

何處來王孫禁女出東街圍城盜賊不須戰壁壘無
人只自開御史中丞乘小艦汎彼中流纜一葉十日
不食亦不飲剛遇登封大舟楫教坊朱邸舊名倡畫
角吹簫各擅場自縛木罌凌瓠子九死不忍棄周王
我時繫馬晉陽城因感晉陽灌城事乃知水之爲利
害讀書須讀河渠志此番馬首入東京黃狐赤狸塞
滿城果見金仙剛露頂向來人在地中行幾家沾屠
土銼門藍縷衣裳半裹身信陵公子能愛客可憐更
無守家人

大梁懷古

陳瑞琳
九香

大風莽莽吹塵沙大梁紛紛停客車高城落日一憑
眺古槐噪亂城頭鴉中州地勢氣磅礴沃野千里饒
桑麻樹雲四合與天際汴河京水交橫斜嵩高咫尺
望不到大行王屋浮雲遮緬懷陳許暨梁宋魏都近
在漳水涯鴻溝割斷白蛇死陳橋師次黃袍加瓠子
宮沈酸棗決我來弔古頻咨嗟班師何事朱仙急椎
擊徒聞博浪差汴宮歌舞半荆棘樊樓鐘火空蒹葭
荒荒良嶽絕奇石寂寂吹臺鳴暮笳官渡將軍猶有
壘信陵公子今無家梁園詞賦夷門客茫茫過眼如
空花昏黃獨立四無語風塵幾識真騶驂人生擾擾

祥符縣志

卷二十一

麗藻
七古詩

三九

究何事來牛去馬爭喧嘩况茲都會屢更變洞天何
處求丹砂市衢車蓋苦煩熱眼明古屋圖龍蛇路人
語我相國寺翠華幸後詩籠紗便從樓上望京國大
河南北蒼煙賒來朝沽酒蘭陽縣醉上黃河九曲槎
大梁歌

馬三山

君不見黃河渾渾滾滾來遠自西天落東海驚浪盤
渦走怒雷瞬息千里不少待我泛黃河到大梁訪古
來在夷山傍夷山不高亦不長四望城池莽茫茫北
有倉頡墓倉頡在何處南有信陵墳不見信陵君列
仙吹臺高三丈孝王枚馬空想像玉津園金明池當

年遊子有誰知蹟亦莫能爲之考情亦莫能爲之悲
人生百年如寄耳古人今人皆如此歲月一去不復
還惟有名在可不死月澤子浮石公世界繁華盡成
空何不同上樊樓中十千沽酒對春風陶然一醉消
百憂無煩詳說汴故宮

吹臺感舊

趙一德

人生聚散知何處十載賓朋半雲樹重向梁園策馬
遊吹臺樽酒故人聚臺邊樹古拏龍虬蕭蕭五月涼
如秋風前鈴語飄僧院竹外茶煙裊寺樓茶煙自裊
鈴自語斜陽漸下深林裏作燒餘霞橫不收粘天芳

祥符縣志

卷二十一

麗藻
七古詩

四

草青未已憑欄觸目忽凄然龍華小劫變桑田風景
不殊人事易檢點清樽感昔年昔年劉生同遊客登
臺懷古人莫識慷慨欲升李杜堂風騷直奪鄒枚席
高才零落今荒墳山陽鄰笛不堪聞夷門似過西州
路羊曇清淚落紛紛

艮嶽遺石歌

洪符孫

北宋末金人入汴縱兵伐萬壽山木而載其石之
佳者歸燕城後人以所遺徙至相國寺道光辛丑
河決祥符水環城四面運城中甃瓦爲防禦資石
亦與焉越明年河復故道水退而石猶存宛平史

叔平孝廉方主講彝山書院傭輦之來疊爲小山
屬同人賦詩爲作長句

興亡問石石不語閱盡滄桑感今古天公位置殊有
心留待七百年來固吾圉當年艮嶽起大梁東南驛
驪花石綱役我民夫千百萬堆青疊翠成淫荒淫荒
自昔有深戒轉眼俄驚歷成敗誰知轉敗竟爲功三
版巖城交不壞往年六月長堤開黃河之水從天來
危流撼城城欲圯萬夫運石聲如雷以石捍城城已
保餘石纍纍猶至寶昔時病民民苦多今日衛民民
恨少茲來水去石尙存太平點綴園林新夷山講舍

祥符縣志

卷二十一

麗藻
七古詩

望

邱壑古遺輝彷彿離宮春離宮春色今已矣重見嶙
峴石峯峙波濤洗鍊瘦骨奇冉冉烟霞小山起我來
正值天寒時雪花滿地情爲侈石乎石乎銘爾積岩
嵐入畫青嶽寄吁嗟乎豪華一日譏千載憑藉猶資
後人採君不見藩籬終古困匈奴長城萬里今還在
其二

劉廷杰

爾石爾石旣不能碎朱劬首清朝簪一寒京黼依攸
心又不能飛爭屋瓦摧強金國辱快雪嶽與欽黃龍
輦載偶未盡遺爾含汙忍恥屹立城之陰豈知棄置
經千春天非無意留爾身昔時病民今莩民傾城孽

變連城珍河水來爾石毀河水去爾石起皺繁仍帶
魚龍腥壘深難剔泥沙滓是如老將渾身刀箭癢塵
娑令人感且喜回憶危城一角薄於紙射潮力竭錢
王失土不能塞蘄不沈百萬生靈半人鬼爾石躍躍
騰奇光粉身碎骨撐捍塘河伯力弱鬪欲僵遂於旣
倒迴瀾狂此城恃爾爲存亡城存爾亡曰非臧起諸
泥塗載車箱猶似奇貢花石網不久離宮登鱣堂迺
與太學石鼓相輝煌我來正值春風香娟娟嫩綠搖
新篁再拜非敢希元章前年亦共厄此河流黃辛丑夏余
正客夷門會石不能言我代語信甘勝下仲甘虜伏
日擊其事

祥符縣志

卷二十一

麗藻
七古詩

聖

則包羞出則驚國士勛名晚節補我代石言石點頭
喜出濁流歸清流從茲砥礪多士追前修知爾在昔
躬閱朱程周

梁園吟和李白韻

蔣湘南

我昔遊梁發清興驅車遍訪夷門山汴人指點道旁
樹黃沙漠漠埋墓間廿載來往懷感多今年始作梁
園歌不憐良嶽一拳石不弔蓬池千頃波芙蓉城兮
陳芳國翰林主人難再得蘭茗對泣鯨魚愁誰卧百
尺之高樓鼓刀屠者笑撫掌何物兀兀思千秋廣厦
長裘志空設先生此恥吾能雪雄辨縱橫誰見之祇

有吹臺臺上月醉來更叱中書君我爲吐氣凌皇墳
但使媧天破長吉那管富人千子雲年華四十狂名
在諸侯賓客空相待未能房杜大師門誰惜飄零向
湖海大梁從古多布衣所思不見吾安歸華屋邱山
付一慟黃河濺濺流斜暉流斜暉與偏遠人生到處
有滄桑弔古方知毋乃晚

題留雲峯

許乃釗

鳳凰山頭幻宮闕爭載奇雲碎山骨嶮奴躍馬來磨
刀血花飛濺土花碧興亡七百二十秋萬鼉吼擊城
精愁河公錯愕大星隕絕城力拒蛟龍游昆明重浚
悲殘劫輦致彝山講堂側我來再拜感滄桑漠漠雨
氣苔紋裂

留雲峯歌

劉毓楠

瑤華仙人騎玉龍騫上銀臺昇九重九重蟠霓天門
敞飛廉鼓橐閩風響閩風趨趨吼鯨鐘吹開瑤池七
十二朵綠芙蓉偶然一朵落霞表化作雲葉雲花森
立水晶沼飛虹曳爲帶建星植爲旗嵌石互爲檻裁
霧縠爲帷祥雲縹緲吹不散恰如九嶷君宴幔亭時
鳥弄管絃仙樂舉錢塘瑞靄擁龍女輪囷隔斷洞庭
山陣蟠六蚪賡律呂我睹此峯意流連靈壁幾進花

石船黃楊巘墮椒崖毀劍匿珠鞘五百年夫子掌握
綠蛇珠風塵物色遍煙蕪摩挲峯下鞞然笑袍笏擬
敦米顛呼急召夸娥氏二子鼻鳳移向龍門裏龍門
西畔東亭東紫苔分占地半弓氣接奎垣市鼇背躡
之欲上兜率宮宮門靈鼉擊天鼓十六天魔齊起舞
舞酣跨鶴駐峯頭雲爲車兮雲爲馬川况復誇卓文
筆遮石龕仰畫鴻文擘雲藍余索纒轆轤甃玉井曉寒
雲撲梧桐影仙磴草濃紅泉漱百斛珍珠噴雪竇簷
牙對對翔彩鸞玉琴疑是雲璈奏雲璈奏長徘徊石
竅玲瓏吐香霧直與太室少室雲氣歛薄相往來峯

祥符縣志

卷二十一

麗藻
七古詩

四

頂時聞玉女吟昔咏撻雲篇又讀囊雲記怒視纒縷
蒸芝房萬里滄溟展鵬翅曾不若蜃氣氤氳護奇峯
常散黃雲覆麥穗原濡麟角起豪歌書遍蕉葉依巖
阿巖阿雲纈瓊華絮石魚破壁夜飛去

魚石歌

宋繼郊

蟠蝸涎唾蘚花紫三十六鱗隱隱起緊誰蹋天割碧
雲鬢鬣倒含銀潢水劃然長嘯揖琴高瘦蛟舞瓜蹴
松濤南海有鯤北海鼇何不並跨相翔翺昆明石竇
寂無語默對牽牛與織女翕張鱗甲欲凌空躩蹠掉
尾扇罡風點頭試與說圓通前身合是赤鯁公夫子

搜羅撥烟霧釣竿拂動珊瑚樹千年瑤草伴雲根雙
虬盤柱開龍門蒼螭吹簾虎鼓瑟魚之精兮蜃蜃而
蜿蜿縮項鰓巨口鱸碎易灑潯入菰蒲石脊森森起
芒角不須雕刻爪與牙叶剝蝕幾侔宣王鼓蹲蹲琴
逐瓠巴舞鯉魚風腥浪花拖幾度仇池倚東坡觀之
醒復觀之醉摩挲應觸蕤羹思倘同金籛遺子孫懸
棟可作清白吏有時蠹碎牙籤聲鳴爐蒸篆飄書楹
月挂桐梢入深夜猶共靈龜報短更亦或拈韻芙蓉
幕門下桃李聯華萼一聲天鼓扇金扉不用闔人掌
魚鑰種魚漫說鴟夷子拜兄却有南宮史明年奪標
不獨伯起之鱸行超遷

玉津園歌

前人

祥符縣志

卷二十一

麗藻
七古詩

五

步金鼇燒尾風雷肇於此長歌一曲揮鸞牋翻身浩
蕩凌紫烟烟雲咫尺天池淵吾知老聃之龍神變化
南薰門外垂楊綠虎落繚垣射丹旭漢家新詔拓上
林嗇夫二百六十六屈曲中穿碧水流蔡河春漲拍
天浮連岡紫壇峙林表斜對青城洞門窳峩然想見
炎宋初游豫屢宣太史書銅街錢市儼瓊苑玉虬遶
蟠隨豹車黃粟雷鳴聲格格穎獵蕙風賞刈麥頂珠
百斛麵百囊箱服呈牛邁帝籍黃雲割盡雨如繩霞

翻穉楹紅相仍亭南亭北互雕檻蓮稍觀刈開田陸
爵鳴歲稔精祈禱天際齋宮隱縹緲或鞞麒麟騎鳳
凰列聖龍袞擁珠葆渚宮秋日袞侍臣寵筵賦詩紀
恩綸宴賓輶軒錫文讌習射中驚鴨嘴箭天水碧謠
歲幣滿勤王師來駐總管帳殿崔巍轉眼空銅駝晝
卧秋草短訪古試上龍津橋御苑南望雲迢迢紫苔
滿地覓遺跡斜廊石獸摧華鏤

石狻行

前人

如夢錄周府本宋時建都宮闕舊基坐北朝南北
有大門五間三間卽宋之大宋門也大門外獅子

祥符縣志

卷二十一

麗藻
七古詩

哭

一對連座高丈五尺狴獬古怪宋之鎮門獅子也

又聞鄉先生言石獅舊在今老府門街口東西雍

正十二年總督王公士俊修 萬壽宮於龍亭上

甬道前立通天柱式牌坊一座始移置石獅於坊

前石獅腿折乃移時所損傷也余嘗往來其地嘆

北宋宮殿俱沒烟波浩淼之中作懷古詩百首及

摩挲雙狻見右獅左腿折痕宛然未嘗不嘆數百

年物質理蠢鈍形勢堅拗如雙石狻者尙難完固

如此况一時之飛棟華構布葉攢花僅取玩耳目

之前耶然岐陽獵碣旣委沙礫艮嶽花石又供輦

運而此雙狻者獨能以形拙質重全其朴於靖康
建炎兵火之餘且能厯元及明對峙於端禮門外
與飄衣足石備閱周藩之盛知頑性之所全者多
也今雖巨浸瀰漫而亭亭雙影猶得與黃瓦綠波
相掩映廢苑無存夕陽依舊卽以此狻作宣和之
遺器觀可也作石狻行

夾馬營邊掘石馬靈狻籥雲來闕下良嶽獸石乘北
風獨留此狻守故宮鳳凰山高接北斗桐葉分藩縮
龜鈕端禮門因宣德門狻逐龍鬚判左右朱門九帶
排金釘銅絲罩瓦飄衣明架壓蜈蚣助攫噬門峙麒

祥符縣志

卷二十一

麗藻
七古詩

七

麟何崢嶸雙拱銀安等闕竦翼扶馳道如砥平茨松
縛獅柏編鶴雄踞誰與爭縱橫承奉司捧綸音播丹
鳳銜向狻前過爪牙舞動艾而張五雲輝映須彌座
鸞輅迎節來南薰行宮瑞氣紛氤氳雙狻遙遙開道
路何讓驩騮五花紋七星臺高露盤進九如洞窅花
竹潤周環鹿角恣睥睨邸第深沈賴靜鎮嚴城忽地
驚烽煙連雲雉堞水拍天鐵犀洞脇隨浪埋何況蹲
狻是石胎洪流轉瞬息風浪鹿圈虎殿付沙漲狻立
允能砥中流石苔斑駁幸無恙乃歎世事滄桑祇頃
刻信心匪石難親厯青狻真不隨波靡闕盡興亡

堪憶趙宋鼇山環萬燈勝朝龍橋張兩翼悉從靜裏
參炎涼昔何烜赫今何寂龍窩遺跡平沙荒對峙依
然瞰夕陽挾石空賸怒猊態令人神往東書堂

鐵狻行

在禹王台前

前人

二姑臺前晚風吼鐵門限高勞固守雙狻對踞青鐵
寒儼依蟬匿朝斗母座下字鐫宏治年祈佑童男慰
襁負問祈繫誰云姓黃都指揮司綰印綬維時臺崇
碧霞宮氣感金虹像垂鞋黃華洞瞰獅子厓盤礪階
前矮培塿而今明德脩明禋民免其魚夫豈偶塗山
鼓鳴化黃熊開母祠荒石腹剖弗子明書泣呱呱舊

祥符縣志

卷二十一

麗藻
七古詩

吳

置不移義何取因思龍宮詭怪多或右魚身而馬首
伏狻同鎖烏支祁庶鎮河流順軌走孤桐百尺白霧
凝何異麒麟在郊藪風吹苔髮鬚張分排吹臺坊
左右迴憶雲冠披羽衣已隨泡影付烏有古臺不知
幾廢興錚錚者鐵自比耦乃歎壽維金石貞無怪狻
質永不朽落日鐵鳳翔觚稜應騎玉女闕瑣牖

相國寺八角琉璃殿重裝羅漢歌

前人

寶地琉璃接慧海六十四院鬱鴻彩兜率天降諸應
真鳳騫觚稜勢崔嵬六花蒼荀環纓縵髻肉旋螺色
不改菩提座拱雙鴿飛紫采恩度何爽塏猶憶河溜

侵南薰寺橋淳漲滌鞞紋龍宮連棟積流閎貝多羅
樹籠水雲阿耨達水浸纔隱粵烽警傳越茲蠢阿育
天王因曉兵璇題碧甃墮鴟吻須彌孔中建法輪重
完全剛不壞身琉璃平鋪廣堂敞六根滌淨無纖塵
東西塔院轟相向更喧法鼓起龍藏香瓔寶絡森五
百琤鐸玲瓏映金碧天風弔弔蓮界開黃幡丹幢天
際來石橋幻踪儼追陪星躅高手徵長才彈指華嚴
見樓臺龍虎隱見神化裁位置躔等上下台眸容殊
狀心慈悲無勞禪月凝胚胎法華變相無不該我聞
曹翰載自東林寺長江萬里押綱至廬山錫飛卓夷

祥符縣志

卷二十一

麗藻
七古詩

晃

山資聖五簷想風致又聞咸平芝蓋來潁川三門金
胸鎔金填象教莊嚴翼眾聖文楣繡栴開法筵茲殿
何爲闢八面八方風雨翕青甸琉璃地影騰寶光布
地金施雲霞絢華鬢迴環衛聖容曉霜鞞鞞聞鯨鐘
羅漢院宇還舊觀綺宴遙記鼇山紅人世變遷詎有
定頓從初地悟因應雁王鹿女知識超佛花吹雨灑
松磴絳節重迴舍衛城赤髭白足球幢迎就中應祝
第十三籥驥霧吐雲潭潭信陵坊古民居夥琉璃燈
燃舍利墮更參涅槃聲聞思福田重證羅漢果
玉陽觀古柏歌用杜工部古柏行韻 前 人

攷如夢錄周藩西華門北是八府園五道街西鄰
玉陽觀卽楊六郎宅址西鄰孝嚴寺宋太尉楊業
故宅今寺東半里許玉皇廟俗呼楊太君廟山門
猶題古玉陽觀字則觀爲當時故址無疑柏在門
內甬道右偏鐵榦霜柯輪囷盤礴自是數百年物
四方婦孺有沉疴者攜香酒祝禱往往輒應因以
柏爺呼之意者楊太尉義烈忠貞之氣未盡湮於
天地之間故老樹亦得秉之一露其奇歟

玉陽觀裏有古柏蚪枝蟠屈貌抉石傳云植自炎宋
朝質幹奇偉中繩尺英姿久已凌風雲况依家廟光

祥符縣志

卷二十一

麗藻
七古詩

五

堪惜垂蔭閱盡太師青接葉低連汴波白憶昨師次
桑乾東旌旆麾自晉陽宮輪囷鐵榦應初植擎雲氣
自撐碧空亭亭雖乏將軍號矯矯已饒烈士風幾經
雪霜操未改奎章旋題標戰功金粟影寒建松棟薦
福願同山岳重托邏臺傾塞草衰天波門寂斜陽送
蘚皮未及偃銅駝霜質敢忘擎鐵鳳草木姿何能永
貞正氣所秉洵堪用

艮嶽篇

大梁一掌平如拓東京昔夢華胥樂宣和天子造仙
山突兀城隅出巖粵初因方士迓熊祥漸築岡巒像

鳳凰點綴未教宣索廣每年數本致黃楊自此諸臣
覬天寵揆奇剔隱駢肩踵侍從何人諫浙燈開局公
然稱應奉民間竹樹稍葱蘢健卒窺覘直入雄挾牆
撤屋不敢惜護視尤恐傷黃封日役萬夫意不足太
湖求石如取玉礪斧聲疑赭洞庭引維勢訝傾林屋
汴淮千里舳艫開柁長篙師恣擊虺轉漕大帥忧不
問行避花石頭網來萬歲經營山益峻比隆方嶽更
名良閣外開江號景龍嶽之北麓樓前立岫題神運
山巔立石高廣數丈號第一峰高高入雲中開二嶺
日昭功敷慶神運石介亭分屨廊香館弗知數御記曲折存厓垠劇憐六

祥符縣志

卷二十一

麗藻
七古詩

至

載工斯蕝未得三年春宴屢方臘纔平粘罕來歐刀
僅及誅攸勗東南貼父賣兒錢血指開鏡露肝牽礮
車事亟且發用遑辨天筆會磨鐫半駝岡騎猛如火
席捲珍奇肆頤朶益山渚嶼景蒼然亦付牛馱與瓊
裏攫取終爲不急需有時委棄復泥塗後來磊磊河
中石重感行人范石湖范成大詩誰憐磊磊河中石會上君王萬歲山我今
訪古城東北認取昆明劫灰黑不及繁臺尙有基那
如鐵塼長畱色瑤草金芝一律空荒寒更甚景陽宮
祇聞異代瓊華島青峭猶餘舊數峰今大內西苑瓊華島金元遺
構相傳猶
良嶽石云

渡河篇爲洪大稗存

亮吉

崔生雲客

景儀

賦

侯嬴門西漏一刻夜覓肩輿攬衣屐橫槩詩人洪稗
存傳經弟子崔雲客相見蒼茫應失喜形神咄喑無
歡理亦知濩落返春官困憊何爲至於此徐言侵曉
到黃河盈輛琴書一葦多數錢買渡始許過相與風
立沙中窩輾轉方當上船際突有狂奴數輩至驕騎
官馬甚豪雄云是祥符癡中隸一馬分教占一船手
持白棓與長鞭官津祇合官人渡那許尋常旅客前
前與從容詞未畢老拳疾起背爭裂跳身遠去避其
鋒回顧從人已僵絕短衣破帽盡蒙戎僮僕呻吟尙

祥符縣志

卷二十一

麗藻
七古詩

五

未終自傷卑賤固應爾何至不得輿臺同我聞此事
氣填臆急籲當途勿姑息盡教荷校立河干暫使行
人歌樂國公等皆非骨相屯翻飛自可致通津他時
坐擁旌旄貴莫忘單車喚渡人

五言律詩

唐

晚入汴水

崔顥

昨晚南行楚今朝北汜河客愁能幾日鄉路漸無多
晴景搖津樹春風起棹歌長淮亦已盡寧復畏潮波
汴路卽事

王建

千里河烟直青槐夾岸長天涯同此路人語各殊方
草市迎江貨津橋稅海商因看故宮柳憔悴不成行
汴上暮秋

許棠

獨立長堤上西風滿客衣日臨秋草廣山接遠天微
岸葉隨波盡沙雲與鳥飛秦城甯有素志意自知歸
宋

景靈宮宿齋謝雨

韓琦

邃寂敞仙扃心齋物外清滂沱今應禱盱眙此通誠
月殿栖真境風梧醒睡聲如何謝靈貺至道本難名
三月三日與廣淵同出南熏門分趨齋宮途中成

祥符縣志

卷二十一

麗藻
五律詩

五

司馬光

並轡出都門葱蘢日欲昕野寒餘宿雪樹閣濕春雲
稍望郊宮近先愁馬首分一朝猶戀戀可復久離羣

凝祥池

蘇軾

似知金馬客時夢碧雞坊冰雪消殘臘煙波寫故鄉
鳴鸞自容與立馬久回翔乞與三韓使新圖到樂浪
公沆時高麗使在都下每至勝境輒圖畫以歸

元

同樂園

金師拓

晴日明華構繁陰蕩綠波蓬邱滄海遠春色上林多

流水時雖逝遷鶯暖白歌可憐歡樂極征鼓散雲和
明

登相國寺樓

釋宗泐

冬日大梁城郊原四望平雲開太行碧霜落蔡河清
欲問征西路兼懷弔古情夷門名尚在無處覓侯嬴
秋暮汴中述懷

于謙

汴城秋節暮候館客愁新京國馳情久家山入夢頻
塞鴻愁月夜籬菊慘霜晨借問歸何日浮名絆此身
繁臺餞客

李夢陽

萬里遊燕客十年歸此臺只今秋色裡忍爲菊花來

祥符縣志

卷二十一

麗藻
五律詩

五

霜露凝秦望衣冠餞楚材不堪分袂苦落日一鴻哀

朱僊鎮

前人

水店回岡抱春湍滾白沙戰場猶傍柳遺廟只棲鴉
萬古關河淚孤村日暮笳向來戎馬志心苦爲中華
其二

宋墓莽岑寂岳宮今在斯霜風流檜栢陰雨見旌旗
百戰回戈地中原左袵時土人嚴伏臘偏護向南枝
河上秋興 其二

前人

白馬瓠子口秋風汾上歌帝鄉不可見千載白雲多
樹動江帆至霜前塞雁過滄洲無盡極慷慨有漁簑

丁丑重九繁臺酒集

前人

高會今秋始重陽
逐歲同上臺
寒日午開閣
古秋風且酌黃
花醉休嗟
白髮翁
舊遊不須問
天際有飛鴻
乙酉上元上方寺

前人

地愛僧林僻
人邀鐙節遊
緣慳朝借馬
改路晚登舟
春水鳧鷖滿
夕陽鍾磬幽
相留待明月
簫鼓在中流
過沈邱王廢苑

田汝耕

寂寞何王苑
荒涼廢寢孤
月臨還玉砌
風振自金鋪
春煖殊交窺
天空鶴獨呼
可憐臺畔柳
長對古城隅
春遊繁塔寺

李濂

祥符縣志

卷二十一

麗藻
五律詩

五

少小曾遊地
重來感慨深
稚僧今老大
落日更春陰
廢殿蒼苔合
頽垣紫燕吟
空餘舊時塔
蔓草故蕭森
登上方寺塔

前人

寶塔憑虛起
登遊但幾重
中天近牛斗
平地湧芙蓉
牖入黃河氣
簷低少室峰
妙高無上境
臥聽下方鐘
弔岳忠武

高叔嗣

戰血憑誰浣
忠魂任所之
郊原高故壘
草樹暗靈祠
落日啼鵑處
征人繫馬時
千年知己淚
片石外孫詞
渡黃河

謝榛

路出大梁城
關河開曉晴
日翻龍窟動
風掃鴈沙平

倚劍嗟身事張帆快旅情茫茫不知處空外櫂歌聲
大梁冬夜 前人

坐嘯南樓夜孤鐙客思長人吹五更笛月照萬家霜
歸計身多病生涯鬢易蒼征鴻向何許春意滿湖湘
汴中值雪 吳國倫

三日夷門雪天寒鴈未歸却驚新旅鬢重攬舊宮衣
河水懸如立城雲凍不飛梁園客已散風景獨依依
渡河 張佳胤

雄氣黃河水樓船盡日過急雲翻鳥雀飛浪起鼉鼉
荻出臨洲白漁回倚棹歌馳驅有王命何敢避風波

祥符縣志

卷二十一

麗藻
五律詩

美

秋歸涉黃河

陳子龍

春水下龍門黃河九曲渾西來浮日月南徙劃乾坤
羣燕盤渦掠千帆折溜奔茫然思禹迹何處是崑崙
其二 前人

揚舠濁浪起掛席晚風多氣壓清淮水沙橫滄海波
秋陰沈大野落日蕩長河繁吹生遙夜中流發櫂歌
賈魯河 田鑑

至正年間事深爲水患憂恐來侵汴國道去過徐州
罔恤黎民苦惟從賈相謀開通徒竭力終久向南流
皇清

登汴城角樓

張文光

落日下層城蒼然遠樹平
亂雲連嶽碧野火向河明
狐兔盤深窟蒹葭冷舊京
中原形勝地畫角起邊聲
遊相國寺有感

錢綸

古寺雖經廢殘基歷歷明
沙痕侵梵座苔色接孤城
衣狗渾成夢滄桑類轉萍
偶來憑眺者惆悵不勝情
隋堤烟柳

彭舜齡

不盡隋堤柳年年又早春
植根原異代折贈欲何人
鷺弄愁時雨烏啼戰後塵
不堪思往事簫鼓下長津
朱仙鎮曉行

閔派魯

祥符縣志

卷二十一

麗藻
五律詩

五

客夢何曾穩鷄聲報曉霜
寒鐘敲旅月凍網掛漁梁
處世微名累論年短髮蒼
獨憐南北計未敢定行藏
相國寺東院卽事

方象瑛

雜還輪蹄內偏宜小閣清
捲簾延月色隔院落鐘聲
啁雀驚初定虬藤影漸橫
晚涼多靜意差慰客中情
秋登禹王臺

張養蒙

中原百戰後寂寞廢荒臺
法雨僧還定秋烟我獨來
錦迷香界樹帘識野人醅
爲有平成績千年俎豆開
黃河

盛朝組

極目三門險愁聞瓠子歌
洪飈霾日月濁浪鼓鼉鼉

浸水青山小凌空白馬多自憐爲客久飄泊任風波
九日登良嶽

翁天游

九日登臨迥長歌且放愁菊英延古洞雁影度嵩邱
縱酒烟霞侶懷音鸞鳳傳婆娑依獨樹蕭瑟氣橫秋
謁遊梁祠

袁式宏

感慨遊梁日千秋肅此祠轍環留亞聖日月護豐碑
王道誰能用雄圖詎有知殷然嚴義利悲憫在當時
七言律詩

唐

送高別駕歸汴州

韓翃

祥符縣志

卷二十一

麗藻
七律詩

五

信陵門下識君顏駿馬輕裘正少年寒雨送歸千里
外東風沉醉百花前身隨玉帳心應愜官佐銅符勢
又全久客未知何計是參差去惜汶陽田

和汴州李相公勉人日喜春

戴叔倫

年來日日春光好今日春光好更新獨獻茶羹憐應
節遍傳金勝喜逢人烟添柳色看猶淺鳥踏梅花落
已頻東閣此時間一曲翻令和者不勝春

汴上送李郢之蘇州

李商隱

人高詩苦滯夷門萬里梁王有舊園烟幌自應憐白
紵月樓誰伴詠黃昏露桃塗頰依苔井風柳誇腰住

水村蘇小小墳今在否紫蘭香徑與招魂

汴河亭

許渾

廣陵花盛帝東遊先擘崑崙一派流
百二禁兵辭象闕三千宮女下龍舟
凝雲鼓震星辰動沸浪旗開日月浮
四海義師歸有道迷樓還似景陽樓

夷門乘舟至永城驛題

薛能

秋賦春還計盡違自知身是拙求知惟思曠海爲休
處忽喜孤舟似去時連浦一程兼汴宋夾堤千柳雜
唐隋從來此恨皆前達敢負吾君作楚辭

隋堤柳

李山甫

祥符縣志

卷二十一

麗藻
七律詩

五

曾傍龍舟拂翠華至今凝恨倚天涯
但經春色還秋色不覺楊家是李家
背日古陰從北朽逐波疎影向南斜
年年只有晴風便遙爲雷塘送雪花

隋堤柳

秦韜玉

種柳開河爲勝遊堤前常使路人愁
陰埋野色萬條思翠束寒聲千里秋
西日至今悲兔苑東波終不返龍舟
遠山應見繁華事不語青青對水流

黃河

羅隱

莫把阿膠向此傾此中天意固難明
解通銀漢應須曲纔出崑崙便不清
高祖誓功衣帶小僊人古斗客

槎輕三千年後知誰在何必勞君報太平

汴河

前人

當時天子事閑遊今日行人特地愁柳色縱饒粧故國水聲何忍到揚州乾坤有意終難會黎庶無情豈自由應笑秦皇用心錯謾驅神鬼海東頭

彭門用兵後經汴路

吳融

長亭一望一徘徊千里關河百戰來細柳舊營猶鎖月祁連新塚已封苔霜飛綠野愁無際燒接黃雲慘不開若比江南更牢落子山詞賦莫興哀

約張處士遊梁

譚用之

祥符縣志

卷二十一

麗藻
七律詩

李

莫學區區老一經夷門關吏舊書生晉朝此日無中散韓國當時有上卿龍變洞中千谷冷劍橫天外八風清好携長策干時去免逐漁樵度太平

五代

王仁裕

與諸門生春日會飲繁臺

柳陰如霧絮如堆又引門生上古臺淑景卽隨風雨去芳樽宜命管絃來謾誇列鼎鳴鐘貴甯免朝烏夜兔催爛醉也須詩一首不教空放馬頭回

汴州作

符彥卿

全軍十萬擁雄師正是酬恩報國時汴水波濤喧鼓

角隋隄楊柳拂旌旗前驅紅旆關西將環坐青娥越
國姬爲報長安冠蓋道麤官到底是男兒

宋

駕幸金明池

韓琦

西池風景出塵寰春豫方乘禁座間庶俗共令趨壽
域從官齊許宴蓬山樓臺金碧交輝外舟楫笙歌浩
渺間與衆盡歡宮漏促萬花叢裏屬車還

從駕過金明池

前人

帳殿深沉壓水開幾時宸輦一遊來春留苑樹陰成
幄雨漲池波色染苔空外長橋橫蟠螭城邊真境闢

祥符縣志

卷二十一

麗藻
七律詩

空

蓬萊匪朝侍宴臨雕檻共看龍艘奪錦回

駕幸西太乙宮遇雨

前人

曉蹕聲乾下九重西郊岑寂欸琳宮驕陽尙作三春
旱多稼期霑一雨豐恤物致虔歸上德應誠爲答卽
神聰從來聖感無旋日不在商巖傳說功

西歸日瓊林苑賜宴卽席賦此

文彥博

竊祿叨榮四紀餘退思僥倖亦無如趨朝再覩新宮
省解紱還歸舊草廬報國丹心明皎皎戀軒疲足去
徐徐羣公盡出都門餞盛事光於漢二疏

上元夜從駕至集禧觀

前人

順時同樂慰邦民協氣和風應早春斗運帝居遵大
路雲從天步絕纖塵民瞻玉色欣遊豫岳峙林宮望
省巡回御端闈張鎬飲蘭燈桂魄耀星津

赴集禧宮祈雪

歐陽修

琳闕峇峇倚瑞烟憶陪遊豫入新年雲添曉日開宮
殿水濶春風颺管絃千綺清塵回輦路萬家明月放
燈天一朝人事淒涼改惟有靈光獨巋然

車駕朝謁景靈宮

前人

琳館清晨籠瑞氣玉旒朝罷奏韶鈞綠槐夾道飛黃
閣翠輦鳴鞭向紫宸金闕日高猶泣露綵旌風細不
驚塵自慙白首追時彥行近儲胥忝近臣

祥符縣志

卷二十一

麗藻
七律詩

三

景靈宮致齋

前人

攝事衰年力不强誰憐岑寂卧齋房青苔點點無人
迹綠葉陰陰覆砌涼王宇清風來處遠仙家白日靜
中長却視九衢車馬客自然顏鬢易蒼蒼

和宋中道觀車駕朝謁景靈宮

梅堯臣

都人夾望禁槐傍閭闔初來旭日光雕玉翠鞍牽驥
裏盤龍朱輦爛文章焚香闕殿開巖帳汲水寒構灑
廣莊一見天顏萬人喜却迴宮禁樂聲長

愁臺

前人

頽垣斷塹有平沙老木荒榛八九家河勢東南吹地
坼天形西北倚城斜傾壺語罷還登眺岸幘詩成却
嘆嗟萬事因循今白髮一年容易缺黃花

金明池

王安石

宜秋西冠碧參差憶昔鄉人禊飲時斜倚水開花有
思緩隨風轉柳偏知青天白日春長好綠鬢朱顏老
自悲跋馬未開塵滿目多陽偷理釣魚絲

金明池

王安國

寬旌遠遠拂樓船滿地春風錦繡筵三島路深浮閬
月九霄觴滿奏鈞天仗歸金闕浮雲外人望瑤臺落

祥符縣志

卷二十一

麗藻
七律詩

三

日邊最引平生江海趣波瀾一段草如烟

金明池

王立之

遊絲隨絮惹行人酒肆歌樓駐畫輪風管遏回雲冉
冉龍舟衝破浪粼粼日斜黃繖歸馳道風約青帘認
別津朝野歡娛真有象壺中要看四時春

遊玉津園

蘇軾

承平苑囿雜耕桑六聖臨民計慮長碧水東流還舊
派紫壇南峙表連崗不逢遲日鶯花亂空想疎林雪
月光千畝何時窮帝籍斜陽寂歷鎖雲莊

和宋次道大慶殿上元迎駕

司馬光

鳳律年華到尙新九重氣象已成春曉雲低拂羽林
仗宿雨先清紫陌塵玉殿鳴鞘傳警蹕彤庭委珮集
簪紳闕前無復魚龍戲自有驩謠億萬人

幸太學倡和

呂大防

清曉金輿出建章祠宮轉仗指虞庠三千逢掖裾如
雪十萬勾陳錦作行再拜新儀瞻魯聖一篇古訓贊
周王崇儒盛世無云補扈蹕空慚集論堂

劉奉世

聖典垂精及表章曠儀親舉自宗庠縱觀橋擁浮雲
蓋待問庭充振鷺行首舉儒風隆上國增光帝業掩

祥符縣志

卷二十一

麗藻
七律詩

畝

前王太平榮遇慚多幸重見虞歌起廟堂

過龍德故宮

毛 麾

萬里鑿輿去不還故宮風物尙依然四圍錦繡山河
地一片雲霞洞府天空有遺愁生落日可無佳氣起
非烟古來遺蹟多如此誰念經營三百年

鐵塔燃燈

馮子振

擎天一柱礙雲低破暗功同日月齊半夜火龍翻地
軸八方星象下天梯光搖激灩沿珠蚌影落滄溟照
水犀文燄逼人高萬丈倒提鐵筆向空題

隋隄

陸 游

端委猶堪致太平龍舟錦纜竟何成空餘細水綠隄
曲別有垂楊帶晚晴社燕歸來如有恨間花開徧不
知名行人誰管興亡事但說揚州接汴京

金

讀靖康僉言

元好問

浚郊沙海浩茫茫河廣纔堪一葦航顛沛且當懲景
德規模何必罪朱梁滄溟不掩蛟龍窟天地同歸雀
鼠鄉三百年間幾感慨長星無用出光芒

汴梁

李汾

琪樹明霞五鳳樓夷門自古帝王州衣冠繁會文昌

祥符縣志

卷二十一

麗藻
七律詩

奎

夜旌戟森羅武庫秋美酒名謳陳席座凝笳咽鼓送
華輶秦川王粲何爲者憔悴囂塵嘆白頭

其二

前人

樓外風烟隔紫垣樓頭客子動歸魂飄蕭蓬鬢驚秋
色狼藉麻衣浣酒痕天塹波光搖日落太行山色照
中原誰知滄海橫流意獨倚牛車望禹門

資聖閣登眺

李獻甫

高閣凌雲眼界寬野烟碧樹有無間天邊孤鳥飛無
盡陌上行人去不還魏國幾同時事改汴堤千古夕
陽間愁來重倚欄千望崧少西頭是故山

汴梁除夜

元好問

六街歌舞待晨鐘四壁寒齋只病翁
鬢雪得年應更白鎧花何喜也能紅
養生有論人空老祖道無詩鬼亦窮
數日西園看車馬一番桃李又春風

上清宮

趙秉文

霜葉蕭蕭覆井欄朝元閣下玉箏寒
千年遼鶴歸華表萬里宮車泣露盤
日上霧塵迷碧瓦夜深月露洗荒壇
斷碑膾炙人何在吏部而今不姓韓

其二

前人

暇日登臨近吹臺夷門城下訪寒梅
鰲頭他日幾人

祥符縣志

卷二十一

麗藻
七律詩

癸

在樽酒而今一笑開秋潦
滲餘村徑出夕春歇處野禽來
醉歸扶路人爭看知是詩仙
園苑回

元

汴梁懷古

傳與礪

汴上荒城繞故宮山頭危石墮
秋風夷門市起聞嘶馬梁苑樵
歸見斷鴻闢草尙餘殘後碧
進花無復盛時紅欲登高處腸
先斷滿目關愁賦未工

前題

雅琥

花石岡前麋鹿過中原秋色動
關河欲詢故國傷心事忍聽前
朝皓齒歌蔓草有風嘶石馬荆
榛無月泣

銅駝人間富貴皆如夢不獨興亡感慨多

登汴梁城

李準

天上曾聞玉輦過金城千里帶黃河鳳凰一去蓬萊苑雁鷺羣飛太液波燈火樓臺空市井風雲冠蓋盡
印阿惟餘畫角聲中調猶是流沙磧裏歌

雲驥橋

湯鼎

橋頭車馬正喧闐橋下帆檣見畫船絃管隔花人似玉樓臺近水柳如烟地連秦晉通三市路入濠淮接九天獨倚欄杆望宮闕翠微高映五雲邊

登熙春閣

王惲

祥符縣志

卷二十一

麗藻
七律詩

七

封印門外故宮傍天閣空餘內苑荒瀛海夢空三島沒帝城烟鎖五雲蒼石鯨照水鱗猶動金鳳凌雲勢欲翔奇貨梁園當日盡爲誰留在閱興亡

登相國寺資聖閣

陳孚

大相國寺天下雄天梯縹渺凌虛空三千歌吹燈火上五百纓縵烟雲中洛汭已掩西墜日漢津空送南飛鴻闌干倚遍忽歸去颯颯兩鬢生秋風

前題

許有壬

傑閣當年瑞靄溫亂餘金碧半晨昏豈知象教移中土獨揭雄名護國門法界冷沉梁苑月寶香難返汝

陽蒐傷心五嶺騰烟語舉世從風莫與論

遇仙樓

劉祈

倚天突兀聳高樓樓上人家白玉鈞落日笙歌迷汴水春風燈火似揚州仙人已去名空在豪客同登醉未休獨倚朱闌望明月鸞旌依約認重游

夷門

前人

七國爭雄古戰場十年遺蹟已銷亡信陵謾有空名在狂士猶聞俠骨香霜落大荒秋草白風生遠道暮塵黃停車且醉夷門酒莫動悲歌易慨慷

明

祥符縣志

卷二十一

麗藻
七律詩

突

汴京懷古

顧祿

北狩龍沙帝業空詞人猶解弔遺蹤野烟蔓草咸甯殿秋水荒臺艮岳峯一代已遷七國鼎五更誰報早朝鐘我來正值開天運真主曾經駐六龍

陳橋驛觀黃河

前人

浩浩黃流自古今晚停征騎發孤吟水痕新漲桃花滿河脉元通瓠子深三月魚龍爭變化四時鷗鳥任浮沉誰能一駕仙槎去萬里靈源亦可尋

登相國寺藏經閣

前人

金碧稜層炫曉霞梵王高閣壯中華上摩絳闕三千

界下瞰紅塵十萬家伏虎神僧翻貝葉乘鸞仙女散
瑤花何因證得無生果來向雲中駕鹿車

過崔橋闌題岳武穆屯兵處
前人

拂衣初出大梁城此是南歸第一程官闌乍開河水
急古橋斜斷石欄傾幾家小市留人醉百尺高樓散
客情忠武當年曾駐馬皇天不祚宋中興

遊上方寺
劉醇

重尋堯率路非遙柳外鳴珂散早朝鳥送好音風乍
息池添新水雪初消斷碑剝落生蒼蘚古塔崢嶸倚
絳霄珍重老僧相送遠笑談不覺度危橋

祥符縣志 卷二十一 麗藻 七律詩 矣

梁園 于謙

自古梁園佳麗地于今寂寞減繁華日長野店聞啼
鳥春暮山頭見落花綠柳兩行侵洛遠黃河一帶入
淮賒欲將尊酒舒高興錦帳風流愧党家

平臺夜月 金山

閒尋幽景憇平臺夜靜長風送月來皎皎玉蟾臨硯
滴娟娟寶鏡倚函開舉杯對影遊人酌扶錫敲門老
衲回安得雲梯千萬丈直攀高處一徘徊

泊舟北渡及風雨中循河相度 劉大夏

滿天風雨北風狂舟泊長河古渡傍隱几沉心論歲

月推蓬極目看帆檣黃流何日安常道白髮承恩返
故鄉却憶同年諸俊傑正抽衷縷補君裳

吹臺春日古懷

李夢陽

廢苑迢迢入草萊百年懷古一登臺天留李杜詩篇
在地歷金元戰鬪來流水浸城隨柳盡行宮爲寺汴
花開白頭吟望黃鸝暮瓠子歌殘無限哀

過朱仙鎮

前人

水廟飛沙白日陰古墩殘樹濁河深金牌痛哭班師
地鐵馬驅馳報主心入夜松杉雙鷺宿有時風雨一
龍吟經行墨客還詞賦南北淒涼自古今

祥符縣志

卷二十一

麗藻
七律詩

七

繁臺寺夏日

前人

古臺高并鬱岩堯斷塔峻嶒鎖寂寥積雪洞門常慘
慘炎天松柏轉蕭蕭雲雷畫壁丹青壯神鬼虛堂世
代遙惆悵宋宮偏泯滅二靈哀怨不堪招

雪後上方寺集

前人

雪罷園林出碧梧上方樓殿靜虛無日臨曠地冰先
落雲破中天塔自孤爛熳此堂人醉散一雙何處鶴
來呼邀留更待松門月今夜同君坐玉壺

河發秋望

前人

七月七日河水發康王城邊秋可憐買魚沽酒此村

口打鼓鳴鑊何處船白晝蛟龍時一闕中流日月晚
雙懸紛紛估客休回首漁子清歌會渺然

繁臺

前人

一秋今到十賢堂萬事傷心嘆渺茫草綠梁臺猶殿
閣花殘宋苑只宮墻天門星宿元朝斗崖北靈芝本
向陽未老息棲終傍此預愁人擬卧龍崗

繁臺春集

前人

小徑緣臺春自花重隄飛閣盡雲沙能將白髮隨流
輩奈有清壺遣歲華斷塔草垣增闕寂古城芳岸趁
歌斜忽驚旅雁思南北海色邊愁入暮笳

祥符縣志

卷二十一

麗藻
七律詩

三

晚過禹王之臺

前人

暮行羣過禹王宮瑟颯松林靜入風步競石梯秋獨
健眼收沙海月還空聲名北上青驄客潦倒中原白
髮翁杯酒重傷分手地古今踪蹟本飛鴻

浚郊

王廷相

浚郊秋晚饒雲霧渺渺乾坤獨上臺山壓鼇簪偏北
斷河連天漢復東來逢花白雪能千首携客清尊更
百廻莫向蓬池重問訊魚龍寂寞易生哀

天王寺春望

田汝紆

招提春望盡烟霞綠竹青松老衲家門對三山紆鳳

苑碑傳二帝狩龍沙雲邊虛閣流清磬樹裏孤僧老
法華人代幾回登眺處空餘輦道夕陽斜

汴京懷古

李濂

渠花堤柳舊京都九帝承平王氣徂巢鳳閣空誰駐
馬卧牛城在自啼烏金繪不博燕雲地顛顛猶傳鄭
俠圖最恨翠華南渡日春風歌舞醉西湖

其二

前人

謾指黃河說宋朝繁華都向暮烟消遷都自昔曾謀
洛問鼎何人只伐遼忍見故宮皆碧草愁聞新法是
青苗當時誰倡和戎策鳳駕徒悲五國遙

祥符縣志

卷二十一

麗藻
七律詩

七

吹臺懷古

前人

梁王昔日築高臺鼓吹華筵動地開五岳雲烟千里
見三川風雨半空來綺羅春色今何在枚馬文章去
不回空有斷碑并廢苑秋風秋草使人哀

春日遊大道宮

前人

仙闕峇蕤紫氣分洞天縹緲玉笙聞嵩山道士留丹
竈南嶽夫人駐綵雲瑤草石壇春漠漠桃花谿路水
泫泫徘徊不盡尋真意徒倚松門對鶴羣

其二

前人

海上神仙十二樓中原平地有丹邱春壇風度鈞天

山石壁雲開聚窟洲絕粒餐霞空復想吹笙騎鶴園
來遊憑君再訂花官約莫待西城碧樹秋

春日上方寺集

前人

城裏招堤此最幽石壇晴日似丹邱因看碧竹逢僧
話重惜青陽與客遊積雪洞門春寂寂聞雲塔院晚
悠悠淹留擊鉢成詩去慙愧文通擬惠休

其二

前人

古寺春寒花放遲春遊恐負看花期老無健足慵登
塔座有高賢喜賦詩蓮社舊容彭澤宰蒲團新識惠
休師年來頗覺浮生幻欲扣旃檀細問時

麻符縣志

卷二十一

麗藻
七律詩

三

秋日遊吹臺

前人

古臺落木晚蕭蕭與客登臨旅思遙白日浮雲還自
散小山叢桂許誰招且將詞賦供秋興只恐疎慵負
聖朝回首不堪人事異碧山何處有漁樵

夏遊上方寺作

前人

上方臺殿迴虛無避暑朝來坐日曛片片涼雲侵杖
屨悠悠疎梵出松梧徘徊塔院生秋思放浪乾坤有
故吾暫卧石床聊一醉更從何地覓蓬壺

延慶觀

前人

曾聞汴水橋邊觀宋代朝元萬壽宮千樹碧桃今絕

種九光丹閣舊浮空傷心莫問食霞事謀國誰攄捧
日忠惆悵二龍終不返三清臺殿夕陽中

隨堤有感

陸深

荒臺猶堪致太平龍舟錦纜竟何成空餘細水綠堤
曲別有垂楊帶晚晴社燕歸來如有恨開花開遍不
知名行人誰管興衰事但說揚州接汴京
過汴梁有感

王雲鳳

霸主荒臺還突兀隋堤殘柳正蕭疎耕夫不識市朝
處野寺猶存宮殿餘土憤悲歌豪俠地土含腥血戰
爭墟抱城濁浪勞宸慮漢策今慙總不如

祥符縣志

卷二十一

麗藻
七律詩

七

黃河

吳國倫

黃河新水漫平沙一葦中流四望賒三晉天隨波震
蕩大梁堤築岸橫斜尋源未遇支機石奉使何如博
望槎來往不辭津路險北風回首鬢雙華

明卿川父道函諸公枉陂上

朱睦㮮

子子干旌雜暮烟浚郊千載尚依然柴扉近接鷗汀
側草閣平臨雉堞前綠柳影含新駐舫碧雲香護舊
題篇夜分把臂酣歌地細雨青燈似昔年

謁岳廟

張同德

荒林殘壘舊屯營鐵騎烟銷咽水聲九臚傳來真悞

國黃龍未至已休兵枕戈空嘆十年力投憤誰憐萬
里城漢上夷民零落盡閒田草色喚愁生

浚儀道中

申佳胤

衰柳危樓碧水枯晴沙極日踏平蕪霜流曉月鷗依
渚雨漲汀沙雁宿蘆蒼浦茫茫迷遠道青帘落落問
村沽淒涼滿目悲秋老我欲重陳鄭俠圖

景福寺

馬體元

說到熱腸夢亦違晚依清剎避炎威耐聞衲鼓和風
遠靜看慈燈共月肥露卧花頭紅吐潤星懸水面碧
凝輝老僧何事先眠去韻樹歌蠱伴我歸

祥符縣志

卷二十一

麗藻
七律詩

七

詠懷古蹟

王惟儉

搥鼓高城曙色分夷門猶憶信陵君片符北逐叢臺
月萬甲西摧函谷雲何處鼓刀迷舊市有人酬酒泣
荒墳古來豪客無聊意喚取雙娥醉夕曛

元夜守城

張民表

當年鎧火薰宵漏今日烽煙動野燐睨上傾驚斗
極星河垂綵蕩城闔袁曹雄長推官渡韓岳勲高紀
汴人獨俯女牆無可說慟思今古漫逡巡

隋隄

釋宗勣

搔首隨隄落日斜已無遺柳可栖鴉岸傍昔道牽龍

艦河底今來走犢車曾笑陳家歌玉樹卻從后土看
瓊花四方正是無虞日誰信黎陽有鼓笳

皇清

隋堤

侯方域

隨家天子綠楊堤萬古春風野鳥啼幾處吹簫雲漠
漠終時拾翠草萋萋龍舟想像牙檣入彩袖虛無簇
伏齊寂寞宋城南向望老人獨自杖青藜

黃河

前人

河源星宿自崑崙春漲桃花夾岸渾龍蜃難馴歸故
道犀牛何事刻新痕子來疎鑿關輪輓國計耕桑重

祥符縣志

卷二十一

麗藻
七律詩

美

本根願使三農更四載力驅洪水莫東奔

大梁行

前人

回首沾膺一放歌十年羞說舊鳴珂漢家公子五陵
盡魏帝才人七步多鵲寄南枝驚赤羽龍蟠北陸走
黃河徒憐昔日梁王苑老向夷門嘆逝波

大梁懷古

許作梅

習家池起漢樓臺宋室城藩望紫埃汴水晴川環五
代夷山佳氣鬱三台幾家烟市重門接何處香車覆
道來今古風流人未遠猶憑父老話鄒枚

梁園懷古

周茂源

爲尋梁苑重徘徊修竹凋枯徧草萊寵弟旌旗虛左
纛諸王賓客散平臺臨池雪色周遭在遼郭河流寂
寞回一自古京遊倦後最憐無地遇鄒枚

汴城改藩府作貢院

錢綸

列棘巍巍泛巨濤紫房複道集賢豪六宮歌舞香魂
渺三試才華文焰高郡接天中培玉筍堂臨山阜燦
銀袍歐蘇相遇從今地誰是公門艷李桃

汴藩懷古

散步龍城日影斜炊烟幾縷見人家椒房滿貯一泓
水鳳閣深埋十里沙風透空林聲作雨雲連遠樹氣

祥符縣志

卷二十一

麗藻
七律詩

七

蒸霞繁華到此渾消歇鼓吹何勞兩部蛙

登吹臺

馬士騰

中原百戰大梁城獨上荒臺萬感生高下鳥音思律
呂淺深沙岸憶平成草懷卧屨空同宇石孕飛甍嵩
渚名惆悵近朝成往事幾聲野雉起榛荆

過汴宮

劉湛

巍巍宮闕爛雲霞半逐飛烟半逐沙石斷獨留前代
碣臺荒不見昔年花衣冠影散莓苔冷歌舞聲銷鳥
雀譁最是黍離斜日下樵人指點相公家

開封

彭始奮

王津桑落近如何驅馬遙從荆棘過
良嶽池亭餘白鷺繁臺歌舞但青莎
星明角亢飛螢少地界曹袁詞客多
欲賦蕪城日已暮東流徒嘆石梁波

過汴城

丁日乾

驅車遙憶舊繁華堅壁徐看一角斜
沙隴尙沉前代碣田疇非復故侯瓜
千年梁苑迷秋草幾樹夷門集暮鴉
遺事空勞憑弔盡那堪霜夜聽琵琶

大梁懷古

李天馥

青春受謝此登樓充豫山川望裏收
周室三邦文獻地宋家九葉帝王州
洛中滄海人民換郭外黃河日

祥符縣志

卷二十一

麗藻
七律詩

七

夜流爲訪夷門棲隱者嚴裝東向一停騶

大梁

宗觀

馬渡黃河新築城長壕青柳漉泥生
月荒梁苑停車影酒醒關門擊柝聲
遠控豫燕開幕府安流汴蔡漑東京
銀箏金甲都消歇彈指桑田又可耕

大梁懷古

梁清標

前驅鼓角戍樓晴萬井烟花古汴城
執轡市中游俠地啣杯臺畔濁河聲
玉津園廢蛙聲晚良嶽雲埋草色平
零落憲王新樂府夜來誰炙紫鸞笙

登繁臺

張養蒙

一帶疎林入望遙，况逢雨後更瀟瀟。冷雲留鶴巢松樹，老衲探泉鬪茗寮。倚杖我來重載酒，登臺人去不聞簫。憑陵携手笙歌地，莫放罇罍歎寂寥。

吹臺

張琦

崔嵬百尺古吹臺，師曠於今不再來。李杜詩篇留短壁，金元戰壘贖荒堆。歌宮灰燼銷紅雪，堤柳焦枯漲綠苔。扶竹登高回首望，黃河一線響如雷。

汴城作

其二

錢金甫

東方百雉古夷門，往蹟蒼涼那復存。七十老翁能獻策，三千賓客竟誰論。抱關豈合當虛左，知己從來盛

祥符縣志

卷二十一

麗藻
七律詩

七

感恩伫立不禁憑，弔意斷笳哀角近黃昏。

登大梁城樓

周在延

秋草平隄舊戰場，城隅滿目盡垂楊。雁聲帶影經嵩少，山色連雲認太行。樂府新詞聲寂寞，西亭殘卷事悲涼。夢華錄續腸堪斷，依舊金梁月似霜。

舊城夜眺

范文成

白露凌秋星斗疎，大梁明月冷郊墟。田耕濁浪塗泥後，堤補黃流嚙斷餘。野菊香新蛩韻苦，遠林色淺雁聲初。十年生聚今何似，疎落頽垣抱草廬。

登鼓樓

馮應泰

危樓高矗壯天中極目新城百尺雄梁國繁華歸逝
水宋家議論散秋風地鍾嵩嶽千層翠險亘黃河萬
古虹興廢不堪登眺感疎砧又動夕陽紅

夷山寄慨

梅啟元

夷山古蹟已成空汴水平沙何處通良嶽雲來迷道
上平臺客去冷天中草萊遠近千重碧禾黍高低四
野風今古無窮總如此興懷何必嘆飛蓬

信陵館懷古

袁式宏

抱關垂老得殊恩下士高風自古尊不信舉烽傳北
境甯羞執轡過夷門却秦功業多辭讓存魏經綸付

祥符縣志

卷二十一

麗藻
七律詩

全

酒樽此日荒祠頽悵望平沙無際月黃昏

繁臺春色

無名氏

梁園百尺綵雲連春色年年錦繡鮮萬點照天紅杏
火千門如水綠楊烟遊人紫陌騎羅綺啼鳥青樓雜
管絃千載登臨憶枚馬幾回沉醉百花前

隨堤烟柳

無名氏

隨堤迢遞柳成林一望青青秀色深風絮亂飄千樹
雪烟絲新變萬條金遠來香綺無人見嬌轉流鶯何
處尋說與離人休挽折炎天行客待繁陰

汴水秋聲

無名氏

霜落秋聲起汴河西風嫋嫋白蘋波幾番漾綠螺紋
皺千頃浮花鏡面磨木葉流霞隨客櫂蘆花飛雪點
漁蓑晚來照落天邊字搖曳汀洲聽雁多

相國霜鐘

無名氏

青女飛霜放曉晴禪宮漏盡巨鐘鳴鯨音怒吼三千
界蝶夢驚回百八聲望遍山河迎曙日心隨車馬啟
重城梁園詞客趨朝早幾著衣冠起五更

鐵塔行雲

無名氏

浮屠千尺十三層高插雲霄客倦登瑞綵細縕疑錦
繡行人迢遞見觚稜半空鐵馬風搖鐸萬朶蓮花夜

祥符縣志

卷二十一

麗藻
七律詩

全

放燈我昔憑高穿七級此身烟際欲飛騰

梁園雪霽

無名氏

兔園雪霽物華新掃盡瀛洲萬斛塵玉樹瓊林三百
里琪花瑤草一番春貂裘公子迎春醉鐵馬將軍出
獵頻見說相如能作賦王門投簡管揮銀

州橋明月

無名氏

石橋高踞浚儀溝月色如銀冷浸秋鼇背負山銀闕
湧虹光橫海玉梁浮香車已盡花間市紅袖歌殘水
上樓幾度有人吹鳳管汴洲風景勝杭州

金池夜雨

無名氏

金明池上雨聲聞幾陣隨風入夜分蕭瑟只疑三島
霧模糊猶似一江雲荷花暗想披紅錦草色遙知染
綠裙曉起銀塘鷗鷺喜水波新漲碧沄沄

遊李嵩岑之官河南右藩

彭而遠

使君旌節指中州便道今稱故里遊楚漢兵戈開宛
鄧洛陽風雨接陳留平臺雪滿梁王苑良嶽花飛汴
水流莫向中原思往事朱僊南去武昌侯

汴梁懷古

劉廷鏞

靈光已毀故宮蕪慘慘風煙接大都鐵馬橫行三鎮
裂銅駝灑泣二龍孤黃河秋色連山海斷壘荒雲嘯

祥符縣志

卷二十一

麗藻
七律詩

全

鼠狐王氣消沈嵩少在暮城啼斷白頭烏

其二

黃埃無地問雄王日落高城俯大荒千里樓臺吹暮
角中天簫鼓咽殘陽西風楊葉迷空殿夜雨苔花墮
古墻寄語抽琴吞恨者千秋萬代總蒼茫

大風霾登吹臺

阮元

清角騰喧上吹臺愴然憂旱復憂霾風沙捲地來河
朔春氣隨雲去汴淮豈有鄒枚閒賦雪更無李杜共
登階步兵不念蓬池近西望蘇門白詠懷

古大梁

趙賓

腥雲宿莽市城牆鬼火宵明古戰場
邸第樓臺纏野蔓中原簫鼓斷斜陽
玉魚畫出麒麟塚紫燕春迷玳瑁堂
漫遣東風吹御柳隋隄梁苑總荒涼

自大梁發軔封印宿

邵亨豫

梁園惆悵又車停雪上鴻泥水上萍
尊酒從容聯舊雨故人寥落指晨星
黃沙莽莽時聞警濁浪滔滔勢建瓴
日暮荒城還小住可憐客夢未曾醒

望汴城

顏光敏

馬度關城拂早霜戍樓吹角更悲涼
山開廣武存孤壘天盡長河見大梁
夾岸黃蘆容對酒連宵明月伴

祥符縣志

卷二十一

麗藻
七律詩

全

還鄉狂歌擬上侯嬴塚汴水桑田已渺茫

汴城晚望

費錫璜

落木蕭蕭汴水清雲沙何處雁飛聲
河蟠雍豫千支合地拓中原萬里平
累代廢興難屈指百年禾黍獨關情
夢華空有遺民記不是宣和舊帝京

遊汴城宋宮故址

沈樹本

帝闕崔巍逼敵營乘輿倉卒赴青城
力窮巷戰悲何桌計決親行誤范瓊
此後難逢迴日馭有人空喚渡河聲
杜家留守真雞狗草草南歸失四京

過大梁

李昌祚

大梁一戰委泥沙秋色寒霜動暮笳地滿荆榛藏虎
豹天高波浪走龍蛇王侯半逐黃流水城闕新開白
露花極目不堪回首處何時能復舊繁華

汴城懷古

吳淇

萬載稱雄古汴州繁華一旦付東流宋家良岳魚龍
夜魏氏離宮禾黍秋千點野燐新澤畔幾家煙火舊
隄頭憲王樂府無人唱惟有菱歌起暮愁

夷門

湯然

夷門駐馬立踟躕烈士遺踪尙有無公子若非虛左
騎侯生祇合老窮途風吹汴水秋笳咽木落空城塞

祥符縣志

卷二十一

麗藻
七律詩

全

雁呼日暮殘紅薰野草千年頸血灑平蕪

金明池懷古

張開第

當年習戰鑿金明未展雄圖國已更南土不聞歸正
朔西池空自傍都城參差水殿張龍繖多少詩人狎
鷺盟一望蘆洲兵棹啟更無散角動秋聲

大梁感事

趙一德

座有屠沽列上賢遺風豈必信陵傳亦知荷葉難爲
鏡爭奈楊花欲上天彩鳳雲間遭鼠嚇驪龍淵底抱
珠眠李高懷古無人識每望平臺意惘然

大梁懷古

王嵩高

搖落偏驚旅客魂秋風回首眺中原三花樹色開神
岳萬里河聲下孟門形勝鬱蟠終古在英雄慷慨幾
人存信陵策士俱黃土獨有侯生解報恩

魏公子無忌

楊潮觀

太息夷門市井紛信陵高躡想風雲誠知天下無雙
士莫道當時有四君屠僧監門登上客婦人醕酒畢
奇勲可憐未冷英雄骨動地函關又出軍

汴州懷古

祝德麟

品畫論書鑒別真獨於理亂昧經綸樊樓燈火平時
景艮嶽鶯花夢裏春地棄燕雲原失算天生宗岳爲

祥符縣志

卷二十一

麗藻
七律詩

全

何人始終太息金甌缺誰贖黃龍塞外身

偶閱查初白集中有汴梁雜詩八首但稱梁宋遺墟
殊未詳考按汴州自朱梁以宣武軍得天下始建
爲東都然溫僭位猶在洛也末帝方卽汴爲京後
唐仍遷於洛石晉至汴以其地便漕運乃定都焉
漢周宋因之劉豫受封亦嘗遷於此金海陵謀南
伐宣宗避北侵又皆來都此汴京沿革故事也爰

補其缺

趙翼

少年花項刺飛翎豈學班超燕領形早有美人驚衣
白竟聞天子出雕青憤兵救命歸無路義二傳家討

不庭羸得榮封崇義爵歷年三百未曾停

其二

戎衣一夕換袍黃返旆從容上御牀得國也從孤寡
手傳家難料弟兄腸基開忠厚流終遠運啟文明勢
不强遺澤試看南渡日魚羹老嫗亦從王

其三

領得狼頭纛一枝仍容守汴建朝儀竟從故國乘黃
屋可憶當年拜赤墀南牧金戈奴叛主北來玉册帝
稱兒誰知他日臨潢徙五國城中等淚垂

其四

祥符縣志

卷二十一

麗藻
七律詩

全

一樣南遷兩不同
瓊車塵土繡旗風
勢強飲馬長江
外運去遊魚沸鼎中
喬木陰猶秋色碧
幽蘭軒已火
光紅可憐一片
青城月又照蛾眉
出故宮

其五

南薰門外玉清宮
碧殿瓊樓望不通
一代人皇曾入
夢七年土木始成功
畫生廟柱綿州至
路破天荒雁
宕空若得驪山詩
讀盡何煩雷火怒
天公

其六

腐草珠光何處無
重埋舍利造浮圖
郭家畫本千秋
重喻浩神功
一代殊山鹿野
雞登奏簡絳衣黃
帛拜

靈符香釵幸卜宜男兆四十餘年正所須

其七

機聲軋軋隴雲黃五月薰風下御莊
犀可活人分欲遍鬚能療病翦何妨
街談俱道曹門好樂府空憐別院香
正是玉妃雙下淚杏花落地處六更長

其八

漫言寒在五更頭王氣先從艮岳收
百幅油囊雲入貢千鈞靈壁石封侯
重巒曲沼凝真觀細草濃花倚翠樓
倉卒風帆南渡去空餘九葉帝王州

其九

人戴香盆聽鼓鼙秋風枉泣向南枝
可憐鐵騎回天處正是金牌促詔時
石馬無靈空蔓草晚霞有兆落荒陂
穹廬莫作還鄉夢痛飲黃龍事已曠

汴梁懷古

錢九韶

趙壁烽煙接比鄰安釐首鼠尙因循
虎符龍節歸公子狗盜雞鳴仗美人
朱亥橋荒雲似水侯嬴墓斷草如茵
星移物換夷門在曾掛當年碧月輪

其二

舞鶴停雲師曠臺孝王雪夜宴重開
若無田叔能調獄縱有鄒陽不是才
寸石靈山沈碧水高梧修竹蝕

蒼苔遊人詞賦留鴻爪
犖确殘碑字未灰

登明遠樓眺月

路璜

高樓遠接碧天秋
拾級來登最上頭
萬籟無聲明月
迴兩行秋影晚燈浮
銜枚夜戰三千士
奪錦人爭第一流
尚記當年辛苦地
從公何幸漫優遊

延慶觀懷古

宋繼郊

登雲樓峻晚煙浮
塔影虛涵八百秋
傑閣已空香鼎
在齋堂欲圯鐵窗留
今鐵窗在塔下洞門左右
龍紋石剩椒蘭殿
鴛瓦寒傾蘆荻洲
惟有虛皇臺畔水
年年依舊向東流

祥符縣志

卷二十一

麗藻
七律詩

六

玉清昭應宮懷古

前人

秦岱汾陰瑞並齋
靈官五百繪廊西
裝師楊惠衣千
褶飾剩廷珪墨
半犀四列熊羆擁
宮架中宵雷雨失
璇題劇欽洪範推
黃閣默轉天顏降
紫泥

景靈宮懷古

前人

絳紗袍御肅雲裘
灞上衣冠慨出游
槐蔭綠同移雉
扇牡丹彩許映
龍旒香隨華蓋
范純父墨泚金壺
宋
案侯休訝鷓行
篇什富東坡
新召自揚州

龍德宮懷古

碧拱朱甍夾水麋
懿親宅日拓芳基
東風春草綠生

處暑雨荷花紅放時慨寄陵川鷓鴣舞情深秋澗鳳
凰池遺書枉上宗留守極目宮牆意輒移

其二

國是紛紛懶坐籌銅欄舊邸卽菟裘儼遷南內同天
寶還上熙春望宋州鳳輦不來天地暝龍濠儘洩古
今愁六更瞬見金輪轉誰醮青詞問絳樓

其三

景龍江水碧涓涓牧馬駝岡入暮天金國鐵樓思倍
遠棘猴穴蟻句空聯李綱曾未相三月劉豫猶能帝
八年剩有凌雲高閣在塵封藻井滿荒煙

祥符縣志

卷二十一

麗藻
七律詩

全

其四

壺春退老夕陽斜露冷朱楹墮紺紗雀舫裝餘靈壁
石鳳簫吹放玉谿花若爲良嶽消殘局曾惹遺山望
歲華與子高風開德壽萬年觴上捧流霞

牽駝岡牧馬

前人

霜蹄電尾簇雲屯地勢乾岡筮庶蕃毛物選登天駟
監騰驥捷過濯龍門纒連林樾神京壯驅策廂軍牧
政繁一事遠輸沙苑裏劍關猶得返中原

秋日吹臺

前人

雉堞凝雲接水門長廊松影寫晴暎塔鈴時語白雲

寺營柵猶留黃葉村千古嘯歌高李杜一枰爭戰宋
金元秋聲滿地軒窗靜正好茶烟半榻温

朱仙鎮岳忠武王廟

前人

痛飲黃龍願已虛香焚盆戴徙民居鐵浮屠斫沙塲
外金字牌追淵聖初何物書生偏叩馬竭來宿將合
騎驢河流南下休嗚咽凱唱淮陰有綵旗

龍亭弔古

前人

青猊綽楔雙蹲處便是當年宣德樓珠瀑千條冰虎
戲蓮燈萬盞火龍遊露臺仙樂園宮扇朶殿天風爍
綵球星物不殊陵谷改白鷗浮沒荻花秋

祥符縣志

卷二十一

麗藻
五絕詩

卒

五言絕句

唐

登相國寺閣

劉商

晴日登臨好春風各望家垂楊夾岸路客思逐梅花

宋

汴都路

紅塵晝夜飛車馬古今迹獨憐道傍柳慘淡無顏色

元

錄汴梁宮人語十首

楊奐

一入深宮裏經今十五年長因批帖子呼到御牀前

其二

歲歲逢元夜金蛾鬧簇巾見人心自怯終是女兒身

其三

殿前輪直罷偷去賭金釵怕見黃昏月殷勤上玉階

其四

仁聖生辰節君王進玉卮壽棚兼壽表留待北還時

其五

邊奏行臺急東華夜啟封內人催步輦不候景陽鐘

其六

駕前雙白鶴日日候朝回自送鑾輿去經年更不來

祥符縣志

卷二十一

麗藻
五絕詩

全

其七

爲道圍城久裝奩犒鬪軍入春魂斷絕飢苦不堪聞

其八

別殿弓刀響蒼黃接鄭王尙愁宮正怒含淚強添粧

其九

一向傳喧喚誰知不復還來時舊鍼線記得在窗間

其十

北去遷沙漠誠心畏從行不如當日死頭白若爲生

明

上方寺

李夢陽

飲罷塔廊坐塔深
蘿葉垂欲枕石頭
卧待有清風吹
河水曲
何景明

河水何濺濺
暮採河邊蘭
君隨河水去
我獨立河干
大梁懷古
謝榛

策馬夷門道
高城帶暮雲
至今豪俠士
猶說信陵君
夷門懷古
其二
王廷相

華園明積雪
上客艷新詞
何處梁王苑
秋風蔓草迷
汴洲懷古五首
李濂

落日夷門道
惟餘古堞雲
猶懷抱關叟
談笑卻秦軍
其四

祥符縣志

卷二十一

麗藻
五絕詩

五

近郭無山水
春遊上吹臺
平蕪猶自迴
載酒獨徘徊
其五

花石今何在
孤城涕淚中
金梁橋上月
偏照宋遺宮
皇清

河上曲

許作梅

逢土荷鋪來
近水無乾土
日暮大河濱
官衙尚簫鼓
其二

鴻雁正哀鳴
青青麥未熟
背上一束薪
心頭幾絲肉
其三

大地堤爲塚
長城骨作泥
可憐風雨夜
猶自夢春闈

言絕句

絕句

王昌齡

渭城秋竹古時烟城外風聲欲暮天萬乘旌旗何處
所平臺賓客竟翛然

汴河曲

李益

汴水東流無限春隋家宮闕已成塵行人莫上長堤
望風起楊花愁殺人

汴河

皮日休

萬艘龍舸綠絲間載到揚州盡不還應是天教開汴

祥符縣志

卷二十一

麗藻
七絕詩

三

水一千餘里地無山

其二

盡道隋亡爲此河至今千里賴通波若無水殿龍舟
事共禹論功不下多

宋

黃河

邵雍

誰言爲利多于害我謂長渾未始清西至崑崙東至
海其間多少不平聲

初春登興國寺塔

司馬光

雨過風清露氣勻林花變色柳條新爲君作意登高

處試望皇州表裏春

九日賜宴瓊林苑作

王安石

金明馳道柳參天投老重來聽管絃飽食大官還惜
日夕陽臨水意茫然

玉津園

劉敞

垂楊冉冉籠清蘊細草茸茸覆白沙長閉園門人不
入禁渠流出雨殘花

過朱亥墓

黃庶

枯林寒草墓邱墟等是當年一丈夫地下若知應笑
死衣冠今日有屠沽

祥符縣志

卷二十一

麗藻
七絕詩

九

過仁宗陵

劉信叔

干戈消弭歲豐登邊將無功吏不能四十二年那忍
說西風吹淚過昭陵

金

梁園雜詠三首

元好問

雙鳳簫聲隔綵霞宮鶯催賞玉谿花誰憐利澤門前
柳瘦倚東風望翠華

其二

暖入金溝細浪添津橋楊柳綠纖纖賣花聲動天街
遠幾處春風揭繡簾

其三

上苑春濃晝景閒
綠雲紅雪擁三山
宮墻不隔東風
斷偷送天香到世間

雲香亭雜詠八首

前人

落日青山一片愁
大河東注不還流
若爲長得熙春
在時上高層望宋州

其二

金縷歌辭金屈卮
百年人事鬢成絲
重來未必春風
在更爲梨花住少時

其三

祥符縣志

卷二十一

麗藻
七絕詩

七

滄海橫流萬國魚
茫茫神理竟何如
六經管得書生
下闕劔長鎗不信渠

其四

羅綺深宮二十年
更持桃李向誰妍
人生只合梁園
死金水河邊好墓田

其五

萬戶千門盡有名
眼中歷歷記經行
賦家正有蕪城
筆一片傷心畫不成

其六

暮雲樓閣古今情
地老天荒恨未平
白髮纍臣幾人

在就中愁殺庚蘭成

其七

琵琶心事曲中論
曾笑明妃負漢恩
明日天山山下路
不須回首望長門

其八

爐薰裊裊帶輕陰
翠竹高梧水殿深
去去旃車雪三尺
畫羅休縷麝香金

元

朱仙鎮

陳孚

城郭重來事已非
南薰不掩柳依依
當時大慶蒼虬

祥符縣志

卷二十一

麗藻
七絕詩

癸

礎留與田家夜搗衣

汴學宮

洪焱祖

朝元競詫新宮麗
相國猶存古寺雄
壁水枯河人不

到石經零落卧秋風

題宋故宮

郝經

國是當時已盡非
強將商鞅作臯夔
莫言天變渾無畏
不見雷轟黨籍碑

汴梁故宮寒食

王惲

人家賣酒繞宮池
爭插青旗曲作圍
簫鼓漸多寒食近
一樽先為典春衣

梁園對月

前人

兒時曾住汴梁城二十年來重此行一片鳳凰池上月向人還似舊時明

明

大梁城眺望

劉玉

大梁城上四無山渺渺嵩高百里間宋苑梁臺何處是黃河流盡鳥飛還

宋宮

于謙

龍樓高處綵雲飛艮嶽纔成事已非寂寞長門金鎖合中州無復二龍歸

祥符縣志

卷二十一

麗藻
七絕詩

七

汴中元夕

李夢陽

花燭沉沉動玉樓月明春女大堤遊空中騎吹名王過散落天聲滿汴州

其二

中山孺子倚新裝鄭女燕姬獨擅場齊唱憲王春樂府金梁橋外月如霜

其三

四海烟花逢上元中州行樂競千門大江不辨魚龍夜珊瑚寶玦是王孫

其四

細雨春燈夜色新
酒樓花市不勝春
和風欲動千門月
醉殺東西南北人

汴河懷古

李濂

黃河迴繞宋神州
聒耳濤聲日夜流
堤柳似知朝代改
半含烟雨半含愁

其二

宋室南遷王氣收
千秋遺恨大河流
可憐五國城頭月
一片清光照汴州

其三

保甲青苗淚滿衣
金陵相業竟全非
傷心不見蓬萊

祥符縣志

卷二十一

麗藻
七絕詩

矣

殿寂寞春風燕子飛

其四

寒烟漠漠宜春苑
孤月矐矐萬歲峯
回首一籠沙塞遠
故宮無復六更鍾

皇清

梁闈

錢

芳

編

兔園佳勝足宸遊
春滿皇州雪滿樓
莫惜芳車留不住
鄒枚詞賦尙風流

秋日汴水

前人

汴水東流春復秋
金飈瑟瑟下揚州
隋宮清夜三千

女幾部商聲未解愁

大河秋雨

魏憲

大河南北望依稀誰剪黃流細細飛忽見夕陽明滅
裏許多秋意帶雲歸

周藩故苑

范文成

白髮老翁腰半伸松根斜倚看遊春逢人指點前朝
事曾是當年供奉臣

平臺咏古

王昉

孝王宮殿滿莓苔落日東風杜宇哀縱有平臺荒址
在文章何處弔鄒枚

祥符縣志

卷二十一

麗藻
七絕詩

矣

隋河

李根茂

隋帝南遊古汴河錦帆高掛奏笙歌祇今惟有堤邊
柳曾曳長條拂綺羅

艮嶽

前人

錦石瓊花艮嶽隈管絃夜夜拂樓臺當年歌舞人何
處依舊黃昏片月來

吹臺

前人

子野當年吹律臺平原一望盡蒿萊自從李杜酣歌
後多少遊人自去來

艮嶽遺址

王士禎

內殿傳聞燕親家香風千樹引梅花玉華閣裏分明
見不羨堂名萼綠華

汴州懷古

呂振

爆火灰飛鬼魅愁金錢百萬壓城頭無情最是黃河
水不許賢王守汴州

汴京懷古

李燧

衰草平田一片秋煙花何處認樊樓祇餘河畔蕭蕭
柳和雨和風送客愁

其二

蜀洛休操同室戈黨人碑已豎銅駝憑教姓字留千

祥符縣志

卷二十一

麗藻
七絕詩

一百

古不用安民涕淚多

其三

約會征遼十萬兵燕雲到手剩空城元戎未卜全軍
勝先向君王乞愛卿

其四

玉殿紅雲護九天春風花鳥筆生妍南唐詞調宣和
畫一代才人絕可憐

其五

鐙火樓臺夜夜新勾欄歌舞奉丹宸傷心雪窖冰天
外猶有餘情傳美人

其六

良嶽淒涼噪暮鴉風塵瘦損六宮花他年記取青邱路恐有旁人羨趙家

其七

休把金環寄九哥烏頭馬角恨如何銷金窩子春如海一寸山河值幾多

其八

一帶沙隄夕照邊宋家宮闕沒荒煙冬青莫問西陵樹歲歲東風哭杜鵑

汴河柳枝詞

蔣湘南

祥符縣志

卷二十一

麗藻
七絕詩

百一

錦纜龍舟已渺茫烟條雨縷不成行大梁城外蕭蕭影多少隋朝古夕陽

其二

青痕幾日幻黃沙誰弟楊花怨李花螺黛香濃飛絮暖春雲圍住絳仙家

其三

八萬民夫挽不難三千殿脚錦成團洛陽春接維揚郭兩岸濃陰帶笑看

其四

三株兩株影婆娑千里百里風雨多莫唱香山亡國

樹祇今人說惠民河

題大梁節院 有序

節院西偏前使舊時歌舞處也穆英甫中丞自履
任後從未開讌初夏經過則綺疏頽落畫檻傾欹
惟有爛漫茂葵爭雄蒿艾而已書此於壁以美中
丞之節儉焉

幕府依然早晚衙中丞清節似山家錦堂間殺笙歌

地開徧茂葵一院花 按穆中丞名蘭字英甫

汴中詠史雜詩

一奮高椎遂却秦市中不見鼓刀人後來滄海君名

祥符縣志

卷二十一

麗藻
七絕詩

百

重疑是朱仙隱去身

其二

一水通淮迤邐衙萬夫力盡費掀鏡楊花風起渾如

昔只送行人舊布帆

其三

董相初無赫赫名昌黎具狀寫平生莫疑椽筆私知

已不為交遊諱永貞

其四

倉猝三軍擁戴秋遂遷龜鼎定神州他年傳弟非無

意光義黃袍是本謀

其五

野史含淒說靖康月明空唱憶君王誰期貞祐南遷
後亡國依然在大梁

其六

都會重開棟宇新鋤犁時出屋嶙峋應憐地下華胥
夢尙有酣眠未覺人

沐京懷古

宋繼郊

燈火蓮花百尺樓舞彩歌扇幾春秋馬行街古金風
冷觸起屏山無限愁

其二

祥符縣志

卷二十一

麗藻
七絕詩

三

西池水戲憂金戈朶殿長虹偃駱駝借問琵琶溝畔
路隋家舸艦是誰多

其三

奎宿章陳達九天粉壇上醮別媼妍豐城劒氣終衝
斗千古蘇黃劇可憐

其四

師師宅畔轍痕新火樹龍銜降紫宸須識離宮三十
六羊車尙有望雲人

其五

蹲獅臥虎界西東怪石零星良嶽空何處黃蒿尋玉

砌經霜煙樹影溟濛

其六

濕墨傳宣字似鴉洛陽馳進牡丹花筠籠啟處黃兼紫不是姚家卽魏家

其七

畫數宣和窰數哥衡量獵碣重如何蕊珠宮闕都衰草盃鼎空餘彝器多

其八

汴水無聲落照邊頽垣廢苑起寒烟傷心莫唱冬青樹早已天津叫杜鵑

祥符縣志

卷二十一

麗藻
七絕詩

百

舊龍德懷古

并序

宮徽宗故邸無所謂新舊也金天眷三年兀朮渝盟至汴駐此因目爲舊龍德宮時紹興十年也

回道南征暫入城故宮小駐爲渝盟河南割地非初意又動貔貅十萬兵

其二

白馬津寒白雁迷沿河雄寨扼金堤壽昌娘子隨軍否應聽宮鶯入玉谿

其三

鐵瓦浮屠仗繡旗紅袍玉帶好威儀焦山寺外龍王

廟記取當年墜馬時

其四

計發劉齊爲藕塘商橋戰後銳鋒藏鏡機畢竟輸王
猛直待旌旂識順昌

其五

岳家旂幟奪先聲實錄大書詳鄆城叩馬無詞應早
遯千秋遺恨是書生

其六

靴尖踢倒失雄關鍬甲三千韋索擐此後休矜拐子
馬朱仙挫後紫金山

祥符縣志

卷二十一

麗藻
七絕詩

五

其七

瓊帳曾驚擲柳枝簽軍又向柘臯馳將軍應吼獨松
嶺今者南兵非昔時

其八

饒風嶺上箭痕斑攀帛休忘六馬還槁矢鉛刀空白
誓熙春閣外夕陽殷